


UTL AT DOWNSVIEW



D RANGE BAY SHLF POS ITEM C
39 10 08 01 04 030 7



PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY


DR
117
S9

Subhi, Mehmed
Karatag ve ordusi

2067



13/208



فِرَّةٌ ظَلَجَ وَارِدُ سِيَارِ



محمد صبیحی

حربیہ شاہانہ دوات علیہ عثمانیہ ودول اجنبیہ احوال
وتنسیقات عسکریہ سی معالی

قرہ طائک و اردو سی

Karataj ve ordusu

قرہ طائک احوال تاریخیہ وجغرافیہ سیلہ قوہ
عسکریہ سندن باحثدر

طبع اول

حقوق محفوظدر

مکتب فنون حربیہ شاہانہ صنفارندہ تدریس اولفق اوزره مجلس معارف عسکریہ
طرفندن مظهر تصدیق وقبول اولش ومعارف عمومیہ نفارت، جایله سنک ۲۰ کانون ثانی
سنه ۱۳۱۶ تاریخی و ۴۴۵ نومرولی رخصتنامه سیلہ طبع اولمشدر

قسط طبعیہ

کتابخانہ اسلام وعسکری — تجارزاده ابراهیم حلی

۶۲ — اسکی ضبطیہ جادہ سی — ۶۲

۱۳۱۷


مؤلفك آثار سائرہ سی

DR

117

Sq

دولت علیہ عثمانیہ { یالکز شاگردانہ مخصوص اولمق اورزہ خریبہ شاهانہ مطبعہ سنده
تنسیقات عسکریہ سی } طبع ایلمکده در. ارتوز ایکی فورمہ سی نشر ایلمشدر.
روس قوہ عسکریہ سنک صورت انقسامنی { نسخہ موجودہ سی قالمشدر
ارائہ ایدر وضع الجیش جدولی } طبع ثانیه سی در دستدر
آلمانیا تنسیقات عسکریہ سی در دست طبعدر
» روسیہ تنسیقات عسکریہ سی
» روسیہ نک قافقاسیہ اردوسی
» آوستریا اردوسی
» رومانیا اردوسی
» بلغارستان اردوسی
» یونانستان و صربستان اردولری





افاده

جناب حقك يالكىز عثمانلى قوم نجيينه دكل بتون امت ناجيه
اسلاميه به محض احسان بىعدىلى اولان ولى نعمت بىتمىز قوماندان
اقدس عمومى شوكتلو پادشاهىز افندىز حضرتلرىنىك دور
جليل هاپونلىرى نجه نجه آثار بدايه جلوه كاه تعالى اولمشدر .
باخصوص عثمانلى عالم عسكرىسندى وجود بولان ترقىات
فوق العاده عنوان شوكت وجلادتلىرىنىك ترجهان كالى اولمشدر .
نشر عرفان و آثار خصوصندى بى دريغ بيوريلان مساعدات
سنيه دن بالاستفاده حدودىمىزك بر كوشه سنده بولنان قره طاغى
جهان عسكرى به طانمق فكريله شورساليه قلمه آلام . آوروپا
ارباب قلمى ، بوكوچك پرنسلىك كندولريله اويله مهم مناسبات
سياسيه ومقاصد عسكرىه سى بولونمديغندن تنسيقات و تشكيلات
عسكرىه سنىه دائر نشر آثاره همت ايتما مشردر . ايشته بومطالعاه به

مبنی در که قره طاغ حکومتک اردو سنی و احوال سائرۀ عسکر یه سنی
 لایق له آکلادیر السنۀ اجنبیه اوزره محرر بر کتاب یو قدر . واقعا
 عسکر ی سالنامه لری [*] ایله بعض رسائل موقوتۀ ده حکومت
 مذکورۀ نک قوای حربیه سنه دأر اوفق تفک بعض معلوماته تصادف
 اولنیور سده بر طاقم اراجیف ایله برابر اشاعه ایدیلن حقیقی
 بونلردن کشف واستخراج ایدیه یلمک مشکل و آثار مذکورۀ بزجه
 بومملکت حقنۀ آرزو ایدیلان معلومات صحیحیه بی اعطایه غیر کافیدر .
 آروپا دولتر نجه تفصیلات زائده دن صرف نظر له قره طاغی
 صورت عمومیه ده طایمق کافی ، فقط بزم ایچون شو مملکتک
 احوال جغرافیسی حتی الکاهمیتسز کچی یوللرینه قدر بیامه مک
 و قدرت عسکر یه سنی مالک اولدینی بر فشنک دانه سنه قدر حساب
 ایتماک مناسبات دائمه مزه منافیدر .

بوکا بر مثال آرامق لازم کایر سه ، انکلتربی مهارت حر -
 بیه سی قارشیسنده بیاغی عجزه دوشور مک درجه لرینه کتیرن ،
 (ترانسوال - اورائر) حکومت صغیره سی کوسه تریله بیایر .
 افریقای جنوبی حربنک ظهورینه قدر بوجنکا ور قومک قدرت
 عسکر یه سی عموم آروپانک مجهولی ایدی . بوئرلرک انکلتره
 ایچون نه درجه لرده حائر اهمیت عظیمه اولدینی اعلان حربی
 متعاقب تعین ایلدی .

[*] اخیراً برلینده نشر ایدیلن [ف. لوبلس یارهس به ریخته] نامندۀ کی
 عسکر ی سالنامه سنک ۲۷ نجی طبعنک قره طاغۀ عائد اولان اقسامی اثر
 عاجزینک مسوداتنه کوره تصحیح و تعدیل ایدلشدیر .

برائركه صانعی انساندر، خطا و نقصاندن بری اولمسی ممکن
 دكلدر مطالعة حكيمانه سی رساله من حقه دده طبعی جاریدر .
 على الخصوص جمع وترتیبی مشكلات عظیمه ایله وجود بولمش
 و ایلک دفعه اوله رق انظار عمومیه عریض ایدلمش برائرك
 نواقصی سائر مؤلفات عسکریه ایله قیاس قبول ایتیه جك
 درجه ددر .

اليوم سلطنت سنيه نك چتینه سفیری فضلاى ارکان حربیه
 مزدن میرلوا سعادتلو احمد فوزی پاشا حضر تیرینك بوبابده
 واقع اولان ارشادات مشکل کشالردن طولانی کندیلرینه عرض
 تشکرات ایلیمکی وجیهه دن عد ایتدم .


ایشته ایکنه ایله قویوزمق قیلندن اوله رق جمع وتلفیق
 ایدیلن معلومات موجودده کوریه جك وازیانی طرفندن
 لطفاً اخطار قانه جق نقایصك اتمانسی طبع ثانیه تعلیق ایلدم
 (وماتوفیقی الابلله) .

مکتب حربیه شاهانه معلمردن وارکان
 حربیه قول آغالردن

۱۰ مارت ۳۱۷

محمد صبحی





فِرَاطُ طَلْحٍ وَارِثُ وَرَثَاتِهِ

اصول تاريخيه

يدينجي عصر ميلادي يه طوغري (قارباط) طاغلرندن
بالقان يارم آطه سنك غرب شالي جهتلىرینه هجرت ايدن اسلاولرك
بر قسمي قره طاغى وطن اتخاذايتمش و آرناؤدلردن عبارت
اولان اهاالى قديمه ايله اختلاط ايدرك قره طاغليرى وجوده
كتير مشلردر .

طبيعت اراضى جوار اهايلسنك جلب حرص واسكانه
غير مساعد اولديغندن يالكىز بر طاقم وحشى چوبانلر طرفندن
رغبت ايدلمش و بونلرك تشكىل ايتدكلرى نواحى عثمانلىلرك
ظهورى آنه قدر بش آلتى عصر پايدار اولمشدى .

صرپليار صربيه ده و برچوق دره بكلرى بوسنه ، هرسك
و آرناؤدلقدده اجراى حكومت ايتكدده اولدقلى بر صروده
فرانسه دن (برنار بالسا) اسمنده بر پرنس شالي آرناؤدلغه
كلهرك (دراج) ، (آچه حصار) [قرويا] (اشقودره) و

(پودغوریچیه) حوالیسنی جامع اولمق اوزره (زدتا) نامیهله
برپرنسلك تأسيسنه موفق اولدی . بوسردهده (قره طاغ) ایله
قسماً (هرسك) (برناربالسا) طرفندن استیلا ایدلدى .

(بالسا) سلاله سندن درت بش پرنس يتشديكى برصردهده
سلطان مراد خان اول حضر تلى بوحوالينك فتح وتسخيرینی
مراد بیوروب اولاً ۴۰۰۰۰ کشیله خیرالدين پاشا وبعده تیمور
طاش پاشا قوماندالرنده سوق اولنان عثمانلی اردولری ایکنجه
(بالسا) و (یورکی) نامندهکی پرنسلره غلبه ایدهرک (دراج) ،
(اشقودره) ، (پودغوریچیه) یه قدر آرنأؤدلغی وقره طاغك
برقسمنی ضبطه موفق اولمشلردی .

۱۳۸۹ سنه میلادیه سنده وقوعه کلن قوصوه ملحمه سنی
متعاقب برچوق صرپلیلمناعت موقعیه سندن طولایي قره طاغده
یرلشدیلر . سلطان بایزید خان اولك اوائل جلوسنده (بوسنه)
(وهرسك) جهتلری تماماً ممالك شاهانه یه ضم وعلاوه ایدلد .
یکندن (زدتا) پرنسلکی اوزرینه دهه عسکر سسوق ایدیلهرک
قره طاغك ایچرولرینه قدر ایلرولندی . پرنس (یورکی) ممالکینک
قسم جنوبیسنی ترك ووندیک حکومتینک توسطنه مراجعت
ایلدی .

ییلدیرم بایزید حضر تلى زماننده عثمانلیلرک نظری آناطولی
جهته معطوف اولدیغندن (زدتا) پرنسلکی وندیکلیلر طرفندن
ضبط ایدلدى . (بالسا) خاندانی نهایت مندرس اولدیغندن

حکومت بالاخره (چرنوویچ) لقب اولان (ستفان ماراموره) طرفدن ضبط و اداره اولمغه و (چرنوویچ) لرك طاعنی معناسنه اولمق اوزره مملکت مذکوردهده اولوقندبری (چرنوویچ-آغورا) دن مخفف اوله رق (چرناغورا) یعنی (قره طاغ) دینه که باشلاندی .

عثمانیلر موره فتوحاتیه مشغول اولدقلری زمان (چرنوویچ) وندیک حکومتیه متفقاً کرك شمالی آناؤدلی کرکسه هر سکا برقمینی استرداد موفق اولمشهده صدر اعظم هر سکا زاده احمدپاشا [ه] بورا پرنسلی اولان برادرلری عاینه ۱۴۷۶ ده اردو سوق ایدرک هر سکی قره طاغه عائد پارچه لرله برابر یکیدن ضبط ایلمشدی . فاتح سلطان محمد خان حضرتلری وندیکلیردن (اشقودره) قلعه نی استرداد ایچون اوغراشدینی ائنده قره طاغ پرنسی بولسان (ایوان چرنوویچ) وندیکلیره معاونته بولندیغندن اشقودره نك ضبطی متعاقب عثمانیلر قره طاغك قابل سکنا اولان یرلرینی اشغال و مرکز اداره سی اولان (زایباق) ی تخریب ایلیه رک ایوانی طاعلق محالره چکلمکه مجبور ایتدیلر .

(ایوان چرنوویچ) ۱۴۸۴ تاریخنده چتینه یی تأیس و بنا

ایلمشدر . بونک اوغلی (ماقسیم) ، صریحه پرنسک مخدومی

[ه] اصل اسمی یارقو اولوب هر سکا پرنسک اوغلی ایدی . شرف

اسلامله مشرف اولمش و نهایت مسند صدارتی احراز ایلمشدی .

(میلوش) ی بر قیز مسئله سندن طولایی اولدیغندن
مملکتده بارینه میوب غائب اولمشدر. استفان نامنده کی بونلرک
دیگر بر برادری (اسکندر بك) نامیله اهتدا ایتدیکندن [اچقه
حصارلی آرناؤد اسکندر بك بشقه در.] اشقودره قربنده کی
(بوشاط) تیمارلق اولمق اوزره کندیسنه ویرلمش و (اشقودره لیلر)
شهرتیه خدمات دولت علیه ده وزارت رتبه سینه قدر ارتقا
ایدن ذوات ایشته بو (بوشاط) بکی اعقابندن عبارت
بولمشدر.

ایوان چرنوویچك حفیدلرندن (یورکی چرنوویچ) ۱۵۱۶
تاریخنده استعفا ایدرک وندیکه ورومایه کیتمش واک نهایت ممالک
شاهانه یه عودت ایدرک قبول اسلامیت ایتمش اولدیغندن
(چرنوویچ) فامیلیسی اورتدن قالمغله امور اداره یی ولادیه
تعبیر اولنان متره پولیدلر درعه ده ایلمشلردی. بو متره پولیدلر
بدایتده (ایپک) بطریق لکنه تابع اولوب اولنر طرفندن مأمور.
ریتلری تصدیق اولنیور ایدی.

قره طاعك عدم معموریتی و فقدان ثروت طبیعی سی کرک
دولت علیه عثمانیه و کپرکسه وندیکیلر طرفندن متعدد کره لر
ضبط اولندیغنی حالده بیله طوغریدن طوغری یه اداره ایدلمسینه
طمع ایدیه بیله جک بر درجه ده اولدیغندن مذکور حکومتلر
قره طاعك یالکیز سیاست و رسماً کندیلرینه مربوط اولمسیله
ا کتفا ایدرلر، اداره داخلیه سینه پکده قاریشمیه رق مدیریتی

مقطوع بر ویرکی مقابلنده یرلی رؤسایه [ولادیکه لره] احاله ایلرلر ایدی.

فقط اشقودره پاشالری قره طاغ پرنس لردن ایوانک اکبر اولادی اولان اسکندر بک نسلندن کلدکاری جهته قره طاغه طبیعی حق وراثتلی بولندیغندن ایکیده برده استحصال حقوق ایچون محاربه ایدرلردی. بو آراق دیکر بر قره طاغ پرنسی [عمر بک] برچوق بندکانی ومعیتی خلقیله برابر قبول اسلامیت ایدوب بعده قوم وقبله سیله قره طاغه عودت ایتیش و بونلره باقورق برچوق قره طاغ لیلر ده اهدا ایتشدی. اشقودره والیسی علی پاشا تمامیه قره طاغی ضبط ایدرک ویرکو ویرمک شرطیه بر ولادیکه نصب ایتدی و بو ولادیکه آرتق دولتک بر مأموری حکمنه کچدیکندن کندیسنه پاشا آلاق عنوانی دخی ویرلدی. بویله جه بر نصف عصر مرور ایتدکنصکره قره طاغ لیلر ویرکی ویرمک ایسته میهرک علی پاشا، محمد پاشا و آرسلان پاشا لره متعدد محاربه لر ایتدیلر. نهایت باب عالی اشقودره والیسنه امر قطعی اعطا ایدرک قره طاغی کاملاً ضبط و تسخیر ایتدیردی. بو وجهه قره طاغ تام بر عصر اشقودره ولایتنه تابع اوله رق طوغریدن طوغری به دولت علیه نک تحت اداره سنده قالدی. عادتاً سائر خریستیان اهلینک ده اسلامیتی قبول ایتسیله قره طاغک استقلال مسئله سی تمامیه بر طرف ایدیلهرک جزئی زحمتله دولت علیه اک امین واک متین بر نقطه استناد تشکیل ایتمک قابل ایکن ایش بر عکس اولدی.

۱۷۰۲ سنه‌سنده (پتروویچ) عائله‌سنك برنجیسی اولان ولادیکه (دانیلو) زماننده قره‌طاغلیلر اهلینك قسم کلیسی تشکیل ایدن مسلمان همشهریلرینی میلاد عیسی کیجه‌سی عموماً قتل اتمکله قرار ویره‌رك بئقّه اولرینی باصوب جمله‌نی شهید و مملکتی ضبط ایتدیلر. بووقعه مدهشه دولت علیه‌نك و خصوصیه هر سك واشقودره مسلمانلرینك عروق حمیتی تحریک اتمکله هر سك والیسی قره‌طاغه عسکر سوق ایدرك شهیدانك انتقامنی آلدیسه‌ده مملکتی ضبط اتمکله موفق اوله‌مدی. هر سك و بوسنه‌لیلرله آرنأؤدلر علی‌التوالی ایتدکلری محاربه‌لرده قره‌طاغی فنا حالده پریشان ایدوب دفعاتله ویرکو ویرمکه مجبور ایتشلر. سه‌ده قره‌طاغلیلر کیندولرینه ریاست ایدن پاپاسلر طرفدن طغیان ایتدیریلرک هر وقت حرب و قتاله سبب اولیورلر ایدی. اوصردده قره‌طاغلیلر برطاقم اغفالات اجنیه‌یه‌ده قاپلدقلر. ندن حرکات باغیانهلرنده دوام واصرار ایدوب کیتمشلردر. بیوک ناپولیون زماننده (قطارو) و (بویانه) جوارلرینك استرداد ایچون فرانسلرله محاربه ایتدیلر سه‌ده ۱۸۱۵ سنه‌سی (ویانه) معاهده‌سنی امضالایان دولتلر و نديك، دالماسیا ساحل‌لریله راغوزه حکومتی و قطارو کورفرینی آوس-تریابه اعطا ایلیرک قره‌طاغی ساحلدن محروم ایتدیلر.

حسین دأثم پاشا ایله پرنس دانیلو بیننده ۱۲ مایس ۱۸۵۸ ده وقوعبولان (غراحووه) محاربه‌سنی متعاقب آوروپا

حکومتلریزک و بونلردن بالخاصه فرانسه نك مداخاله و دلالتیه
قره طاغ اراضیسی تفریق و تحدید اولنه رق دولت علیه طرفندن
ایلك دفعه اوله رق امتیازی ضمناً تصدیق ایدلمشدی.

مملکتک تشکیلات ملکیه سی بو تاریخدن بدء ایتمش و بعض
نظامات شدیدہ دخی وضع اولنمشدی. ۱۸۶۰ سنه سنده دانیلو
مقتولاً (قطارو) ده وفات ایتدیکندن یرینه یکنی شمدیکی
پرنس (نیقولا) ۱۷ یاشنده اولدینی حالدہ (Kniaz i gospodar
od Tzrne Gore i Berda) نامیله یکمیش ایدی.

پرنس نیقولا اولاً وندیك ده و صکره پارسک (لوتی لوگران)
مکتبنده تحصیل کوردیکی کبی (سن سیر) مکتب عسکریسنده ده
اکمال معلومات عسکریه ایتمش اولدیغندن معلوماتی واسع و آو.
روپا عادات و معاشرتی ایله مدنیته و خصوصیه سیاستنه تمامیه
واقفدر.





احوال صغرافی

۱ - حدود و مساحه .

قره طاغك شرق شمالیسی دولت عالیہ نك یكی بازار سنجاغی ،
غرب شمالیسی هر سك ، غرب جنوبیسی دالماجیا و آدریاتيك .
دكزی ، شرق جنوبیسی دخی اشقودره ولایتیله محاط و محدود
اولوب ۵۳ ، ۱۰ ایله ۳۲ ، ۴۰ عرض شمالی ۶ ، ۱۶ ایله ۵۰ ، ۱۷
طول شرقی [پارس] آره لرنده ممتد غیر منتظم برزو اربعه الاضلاع
شكلی ابراز ایتدیكى حالده شمالدن جنوبه طول اعظمی ۱۷۰ ،
شرقدن غربه عرض اعظمی دخی ۱۳۰ کیلومتره قدر در .
مساحه سطحیه سی ۹۰۸۰ مربع کیلومتره در .

۲ - حال طبیعیسی ، جبال و انهارى .

قره طاغ اراضیسی غایت صرب و كسیك اولوب عرضی



قره طایغ و لاله زار و بخارا

قیافه شهباز و کزلباش

لوحه

برمیلدن اون خطوه یه قدر تنزل ایدن حدسز حسابسز وادیلرله قطع ایدلمشدر .

قره ط.اغک وسطنی قطع ایدن (زهتا) صونی بوملکتی (چرناغورا = قره طاغ) و (بردا) نامیله شکل و اراضیجه مختلف باشلیجه ایکی قسمه آیرر. غرب و جنوب جهتده قالان قسمی - که نفس قره طاغدر - کلسی وقور و قیالقدردن عبارت اولوب، اشبوقیالر بربری اوستنه ییغیلهرق سیوری تههلی دیوارلر تشکیل ایتمش و چوغنی یکی قیرلمش کبی کسکین کوشهلی اولوب آردلری برچوق اوچوروملر وسیلدرک عصرلردنبری یالایه یالایه آچدقلری یازیقلرله طولودر.

بو قیالی طاغلر ۱۷۰۰ متره ارتفاعلرینه قدر چیقارلر . بوجهتک اصلا آقار صولری حتی قاینق و چشمه لری بیله اولیوب ایچیلن صو تکمیل صهرنجلردندر . یالکز یغمور موسملرنده صولر طاشلرک آردلرندن سیل کبی آقهرق تحت - الارض قالار واسطه سیله نابدید اولورلر.

اشجار و نباتاتی دخی ولیوب، یالکز قیالرک آردلرنده پک سیرک اوله زق اکری بوکری بعض چالیلر بیتمکده در .

(زهتا) صوینک شمال شرقی جهتده کی قسمی ایسه (بردا) اسمیله معروف اولوب بودخی صرپ و طاغاق ایسه ده طاغلری اوقدر طاشلق و مخوف اولیوب طوپراغی : اورمانلری ، چای و وادیلری دخی واردر . (بردا) طاغلرینک ال بیوکی (موراجقه)

اولوب شمال غریبیدن جنوب شرقی یه متمد اولور. ساحلدن اعتباراً قدمه قدمه یوکسلمش اولان اراضینک اک مرتفع نقطه. نلری شمالده (دورمیتور) [۲۶۰۰ متره]؛ شرقده (وینیتور) [۲۱۸۳ متره] و (قوم) [۲۸۵۰ متره] تپه لیدر.

قره طاغک شرق و شرق شمالی قسمی و بانلیجه ضمائم اخیره سی (صاوا) و (طونه) واسطه سیله قره دکز و سائر طرفلری (اشقودره) کولی و (بویانه) واسطه سیله آدر یا تیق دکزی مائه سنده بولنیور. اک بیوک نهری (موراچه) درکه (بردا) نك ذکر اولنان (موراچه) طاغک غرب جنوبی اتکلرندن اینن برچوق چایلردن بالتشکل جنوبه و بعدده جنوب غربی یه طوغری جریان ایدر و صاغدن (زەتا) نهریله برلشوب، بعدده (پودغوریچه) نك شمالندن مرورله اوووده صولدن حدود خاقانی جهتندن کلن [واطراف و جوارى قره طاغیلرک خصمی اولان مالیسورلرله مسکون بولنان] (ذم) چایی دنخی آلدقندن صکره (اشقودره) کولنه منصب اولور. [*]

بوکا تابع اولان زەتا نهرینه کلنجه : (نیقشیک) ک شرق شمالیسنده کی طاغلردن نبعانله نیکشیکک یوقاری و آشاغی اووه.

[*] موراچه منصبک قارشیسنده وقتیه مستحکم اولان ایریلی اوفاقلی برطاقم آطه لر بولمقده در. الیوم قره طاغه عائد اولان بوجزیره لر موراچه آغزینه حاکمدر.

الریخی اسقا ایتدکدنصکره (اوسطروغ) [۰] بوغازینک بولندیغی (پلانینیچا) سلسله‌سی استقامت جریانیه مائل اولد - یغندن مذکور سلسله‌ی تحت‌الارض مرور و (یوویا) ایله (دره‌نوشیتیچا) کویلی جوارنده (پونور = بیکار) دینان یرک متعدد محارنده زمیندن خروج ایدر. [بیکارک فتحه‌سی نهرک طغیانی زماننده حجم میاهی استیغابه مساعد وسعتده اولمده یغندن کاملاً کیده‌میان صولر نیشیکک (آشاغی اووه) سنی ۱۰ کیلومتره طولنده وایکی کیلومتره قدر عرضنده جابجا احاطه و استیلا ایدرک برکول حاله صوقار.] بعده شرق جنوبی استقامتده جریان ایدرک (دانیلوغراد) قریبده ۲۰۰ متره طولنده برمتین کوپرینک آلتندن کچدکدنصکره (اشپوزی) یه واصل اولور و (پودغوریچه) نک اوست طرفنده (موراچه) یه دوکیلور .

قره‌دکز مائه‌سنه عائد و (طونه) یه تابع انهارک الک‌بیوکلری ، (درینا) نهرینک ایکی بیووک قولنی تشکیل ایدن (پیوا) ایله (تارا) اولوب ، بونلرک برنجیسی ینه (موراچه) طاغلرندن - و (موراچه) ایله (زدتا) منابعی قریبده - نبعانله ، (موراچه) وادیسندن کلن بریولی تعقیباً شمال غربی یه بعده شمال شرقی یه ونهایت شماله طوغری آفرق ، قره‌طاغ حدودینک منتهای

[۰] محل مذکورده بوغاز و (زدتا) وادیسنه حاکم اولان (اوسطروغ) مستحکم مناستری غایت صرپ و یوکسک برمحده مبنی اولوب طاغلرک اسکیدنبری اسلحه دپولنی خدمتی ایفا ایدر.

شمالی سندی کی زاویه دن طیشاری چیقار. (تارا) ایسه (واصویه و یچ) و (قولاشین) ناحیه لری دره لرندن بالتشکل شماله طوغری آقار بعده غرب شمالی یه تبدیل استقامتله (طاشلیجه) و (یکی بازار) سنجانی حداسنی کچجه یه قدر دولت علیه و قره طاغ حدودینی تشکیل ایدر. حدودک نهرله تحدید ایدیلن بوقسمی غایت سرت میلارله یتاغه منتهی اولدیغندن برطرفدن دیگر جهته مرور و عبور همان غیر قابلدر. (تارا) صوی اکی نهایت قره طاغک شمال گوشه-سند و حدودی خارچنده (پیوا) ایله برلشهرک (درینا) نهرینی وجوده کتیرر.

(لیم) نهرینه کلنجه : بونهر (غوسینه) نک اوکندن و (پلاوا) کولندن کچدکدنصکره قره طاغه کیروب آزر بر مسافه قطع ایتدکدنصکره ینه حدودی کچهرک یکی بازاره داخل اولور. (اشقودره) کولنک نصفه قریب مقداری ایله (اسلانه) کولی و (موراچه) نهرینک فضلهمیاهندن تشکیل ایدن (غو-رینه بلاتو) کولاری قره طاغده بولنیور.

(اشقودره) کولنک طولی (۴۵) و عرض وسطیسی ایسه (۱۰ : ۱۲) کیلومترو اولوب صولرک یوکسک اولدیغی زمانلرده هر طرفی سیر سفائنه مساعددر. وقتیه عثمانلی طوپ چکرلری (چتینه) دن اوچ ساعت مسافه اولان (رهقا) قصبهسی اوکنه قدر کلیرلردی. کولک فضلهمولری (بویانه) آیانغی واسطه سیله (آدریاتیق) دکزینهدوکیلور. (۴۳) کیلومترو طولنده اولان

بوقنال (اوبود) موقعه قدر تطهیر ایدلش اولدیغندن (۳۰۰) طونهلق سفائنك سیر وحرکتته مساعد و محل مذکورك بوقا- ریلری ایسه آنجق آلتی دوز قایققلرك واستمبوطلرك مرورینه الویریشلیدر؛ فقط فیضان زمانلرنده (۵۰ : ۷۰) طونهلق اوفق واپورلر کوله کیره بیلورلر.

۴ - محصولات، حیوانات و منابع ثروتی.

قره طاغ اراضیسنك قسم کلینی تشکیل ایدن طاغلق قسمی صورت عمومیه ده اورمانلقسز، یشیللکسز، نباتی تر ابدن محروم وسیل آسا یغمورلرله اسکلت حائی آلمش چبلاق وقوروقیا- لقلردن عبارت اولدیغیچون هیچ برشی حاصل ایتدیکی کبی سوریلرك رعیه بیله قابل اوله ماز. تشکلات ترسیبه دن حاصل اولان وادی قعرلری واقعا منبت ایسه لرده بونلرده اکثریا فیضانلردن و بعضاً قوراققلقلردن دوچار خسار اولور.

محصولاتی پك آز واهالینك احتیاجاتنه غیرکافی اولوب باشلیجه (زهتا) وادیسیله (بردا) نك بعض محملرنده و(اشقو- دره) کواننه قریب یرلرده یتشدیریلن مصردن [قوقوروز] عبارتدر . ینه (زهتا) وادیسنده بعض باغلر بولنوب جزئی مقدار شراب یاپیلور و(بیلوپا ولیچ) ده براز توتون حاصل اولور. (بردا) دهکی اورمانلرده چام و آق کورکن آغاچلری

بولنوب بونلرك قطع و اخراجندن خیلی استفاده اولنه بيلور-
سهده طرق موجوده شمديلك بوكا مساعد دكلدر.

اهالی قیون و کچی یتشدير مکه غيرت ايدوب، يپاغی و قيللردن
کويليلر کندی ائوابلرينی تهيه ايدرلر؛ و سوتلرندن پينر ياپوب
خارجهدده ساتارلر. برمقدار پاصدير مه [قاستراتينا] اخراجاتی ده
واردر. ردقا نهرنده صارداليه دن بيوجك برجنس باليق کيitle
چيقوب، قوريديله رق، ايتاليا و تريسته و دالماچيايه اخراج اولنور.
سائر نهرلرله کوللرک ده باليغی چوقدر.

معادنجه شمدييه قدر جدی تحريات اجرا اولنه ميوب
يالکيز (بردا) ده برکيور معدنی بولنديغی اکلاشلمش؛ و اخيرا
(اولکون) جوارنده خیلی زنکين برکيور معدنی ده بولمشدر.
هر حالده قره طاغ محصولات و منابع ثروتييله اهاليستی
بسيه ميوب، ارککلرينک اکثريستی طاشجیلیق، قالدیرمجیلیق،
قويوجیلیق، رنجبرلک و يساقجیلیق کبی ایشلرله استانبولده
و آوستريانک بعض طرفلرنده و حتی اسکندريه و آمريقانک
(سان فرانسیسکو) شهرلرنده بيله چالیشمغه و قزانقلری آقچه
ایله چولق و چوجقلرينک مدار معیشتی (اشقودره)، (قطارو)
و ايتاليادن تدارک و جلب ایتکه مجبوردرلر.

قادینلری پک چالیشقان اولوب، کندیلرينک و ارککلرينک
مابوسانی نسج ایتدکدنبشقه، اولانجه زراعت ایشلری
دخی بولره محمولدر؛ اون و طوز و سائر مالزمه لرينی اکثري

تا) اشقودره) و ساحل اسکله لرندن اولرینه قدر آرقه لرنده
طاشیرلر.

۵. - اصول اداره، تقسیمات ملکیه، نفوس .

حکومت پرنسیه بر حکومت مطلقه در . پرنس ، مملکت قوه
حربیّه سنک باش قوماندانی اولمغله برابر طاغیلرک رئیس روحا .
نیمی همده مملکتک باش حاکمیدر .
پرنسک ارنا ارکک اولادک بیوکنه انتقال ایتک اوزره
[۲ - کانون ثانی - ۱۷۹۷ تاریخندن] بری (پتروویچ نیه غوش)
عائله سی [۵] یدنده در .

[۵] عائله پرنسی حقنده بوجه زیر اعطای معلومات ایدیلور:
پرنس (نیقولاپتروویچ نیه غوش) اوّل ۲۵ - ایلول - ۱۸۴۱ ده
(نیه غوش) ده (میرقوپتروویچ) و (ستانامارتینوویچ) صلبدن دنیایه
کلشدر . ۱۳ - اگستوس - ۱۸۶۰ ده عموجه سی برنجی (دانیلو) یی
استخلافاً قردطاغ پرنسی اولشدر . ۸ - کانون اول - ۱۸۶۰ ده ویووده
(پیهروو قوتیچ) ک کریمه سی [۴ - مایس - ۱۸۴۷ ده (چه وو) ده
تولد ایتمش اولان] (میله نا) ایله ازدواج ایلمش و طفوز اولادی اولشدر:
۱ . پرنسس (ملیچا نیقولایه ونا) ، ۲۶ - تموز - ۱۸۶۶ ده (چتینه) ده
تولد ایتمش و ۷ - اگستوس - ۱۸۸۹ ده غراندوق (پیارنیقولایه وویچ)
ایله (پترهوف) ده ازدواج ایلمشدر .
۲ . پرنسس (ستانانیقولایه ونا) ، ۴ - کانون ثانی - ۱۸۶۸ ده
(چتینه) ده طوغمش و ۲۸ - اگستوس - ۱۸۸۹ ده (پترهوف) ده
روس غراندوق لرندن پرنس (ژورژ رومانوفسکی) ایله ازدواج ایلمشدر .

پرنس، بش کشیدن مرکب بر هیئت نظار تعیین ایدر [*].
 کنیدیسی دخی بونظارك تشکیل ایتدیکی شورای حکومتیه
 ریاست ایلر.

بش کشیدن عبارت اولان قره طاغ ناظرلری شونلر اولوب
 وظائف آتیه بی ده در عهده ایدر لر :

۳. بیوک اوغلی پرنس (دانیلو علیکساندر) ، ۲۹ - حزیران -
 ۱۸۷۱ ده (چتینه) ده طوغمشدر.

۴. پرنسس (ههلن) [نهلنا] ۸ - کانون ثانی - ۱۸۷۳ ده
 (چتینه) ده تولد ایتمش و ۲۴ - تشرین اول - ۱۸۹۶ ده ایتالیا ولی
 عهدی (ویقتور امانوئل) ایله (روما) ده ازدواج ایتمش اولدیغی
 جهتله الیوم ایتالیا قرالیچه سی بولنمده در.

۵. پرنسس (آننا) ، ۱۸ - اغستوس - ۱۸۷۴ ده تولد ایتمش
 و ۱۸ - مایس - ۱۸۹۷ ده پرنس (فرانسوا ژوزف دوباتنبرغ)
 ایله ازدواج ایلمشدر.

۶. پرنس (میرقو) ، ۱۷ - نیسان - ۱۸۷۹ ده تولد ایتمشدر.
 (غراحوواج) و (زهتا) وویووده سی.

۷. پرنسس (قسینه) ، ۲۲ - نیسان - ۱۸۸۱ ده (چتینه) ده
 تولد ایتمشدر.

۸. پرنس (ودر) ، ۲۲ - شباط - ۱۸۸۷ ده (رهقا) ده تولد
 ایتمشدر.

۹. پرنس (پیه) ، ۱۰ - تشرین اول - ۱۸۸۹ ده (چتینه) ده
 تولد ایتمشدر. (ظاهرلوم) وویووده سی.

[*] عندالایجاب بوبش ناظردن بشقه شورای حکومتیه محکمه کبیر
 رئیس ده داخل اولور.

داخلیه ناظری (وویووده بوژو پتروویچ نیه غوش) [داخلیه،
نافه [۰]، بحریه [۰۰]، پولیس [۰].

خارجیه ناظری (وویووده ژ. ووقوویچ) [خارجیه [۱]،
تشریفات، نشان [۰].

حربیه ناظری (وویووده ایلیا پلامه ناچ) [حربیه، نفوس [۰].
مالیه ناظری (ن. ماٹانوویچ) [مالیه، تجارت [۲]، رسومات [۳].

[۰] امور نافه مدیر لکنی فرانسه ده تحصیل کورمش بر مهندس
ایفا ایتکده در. قره طاغده بوندنبشقه نافه مأموری یوقدر.

[۰۰] پرنسک رکوبنه مخصوص [اخیراً طرف شاهانه دن احسان
بیوریلان (تمساح) نام] یاط ایله موشلر، لیمان و فنار معاملات کی کوله کی
واپورلرک سیروسفری کی مواد، بحریه مدیرینه عاڈدر. فقط قره طاغ
ساحلنده ضابطه بحریه وسیر سفائنه متعلق خصوصات [امارتک پرو-
تستولرینه رغماً] بامعاہده [برلین] آوستریا قوانیننه تابعدر.

[۱] قره طاغ، در سعادتده بر سفارت [اورته ایلچی]، اشقودره ده
بر موظف قونسلوس بولندیرمقده در. (قطارو) ده امارت اجنته سی
نامیله قره طاغ لیلرجه قونسلوس آوستریا لیلرجه تجارت مأموری صفتیله
طائفنده اولان بروکیله مالکدر. (تریسته)، (مالطه)، (ناپولی)، (مار-
سلیا)، (روما)، (جنوه)، (باری) ده فخری قونسلوسلری واردر.
بحال سائرده روسیه شهنشدرلری حمایت طریقیله قره طاغ لیلرک ایشلرینه
باقنده درلر.

[۲] امارتک تجارت خارجیه سی سنوی تقریباً یوز اون بیک انگلیز
لیراسنه بالغ اولمقده در. بونک ۵۰۰۰۰ لیراسی اخراجادن و متبایسی ده
ادخالاتدن عبارتدر. باشلیجه ادخالات (آوستریا) و (انگلتره) دن اولوب
برنجیسی ۳۵۰۰۰، ایکنجیسی ده ۲۰۰۰۰ لیرالی امتعه قره طاغه فرو-
خت ایتکده در.

[۳] قره طاغه ادخال اولنان بالجله موادک قیمتی اوزرندن علی السویه
۶۰٪ رسم کمرک استیفا اولتمقده در.

معارف ومذاهب ناظری (س . پوپوویچ) [معارف ، روحانیه] .

بونلردن بشقه برده عدلیه ناظری وار ایسه ده [دوكتور
ب . بوژیشیچ] شورای حکومته داخل دکلذر .
امارتک اداره ملکیه وعدلیه سی پک ساده ، قوانین ونظاماتی
پک شدتلیدر . ملکیت طقوز قضایه منقسم اولوب هر قضا بر قاج
قپودانلغه آیرلش وهر بر قپودانلق بر قاج چته یی حاوی بولمشدرد .
دولت علیه نک تقسیمات قدیمه عسکریه سنه مشابه اولان بو
دوائر ملکیتک هم ملکیه هم ده عسکری تقسیماتنه توافق ایدر .
دولت علیه — روسیه سفرینی متعاقب قردطاغ اراضیسی بروجه
آتی ۱۵ ناحیه یه منقسم ایدی :

اهالی	مربع کیلومتره	
۴۸۰۰۰	۱۱۸۷	قانونسقا
۱۵۰۰۰	۲۰۹	آرونیچه
۱۸۵۰۰	۲۰۷	ردقا
۱۶۰۰۰	۱۳۲	لیشانسقا
		چرناغورا (اصل قره طاغ)
۲۴۰۰۰	۵۷۰	بیه لو پاولوویچ
۲۷۵۰۰	۹۴۵	پیرسقا
۱۸۵۰۰	۹۱۵	موراچته
۱۸۵۰۰	۵۳۲	واصوو یچته
		بردا
۱۸۰۰۰۰	۴۶۹۷	جمعاً نواحی قدیمه

اهالی	مربع کیلومتره	
۱۰۰۰۰	۵۶۸	بانیانی و بودین
۱۰۰۰۰	۵۳۷	نیقشیک و دبوغه
۱۶۰۰۰	۸۱۲	پیوا
۱۲۰۰۰	۶۷۴	دروبیاق و پیرا
۶۰۰۰	۴۳۲	قولاشین و سارانچی
۲۲۰۰۰	۳۷۹	پودغوریچه و اشبوزی
۱۶۰۰۰	۳۷۶	قرانیه، بار، اولکون
۹۲۰۰۰	۳۷۷۸	جمعاً نواحی ملحقه
۲۷۲۰۰۰	۸۴۷۵	جمعاً یکون قردطاغ

اليوم قردطاغ بروجہ آتی طقوز قضایہ تقسیم ایدلمشدر :

قانونسقا [یا لا] قضای مرکزی (چتینه)

نیقشیک » » (نیقشیک)

بردیسقا [طاغلق] » » (دانیلوغراد)

موراچه » » (قولاشین)

واووویک [واسو اوغلاری] » » (آندردهویچا)

زہتا » » (پودغوریچه)

ردقا [دره] » » (ردقا)

چرنیچا » » (ویر بازار)

پریموا [یالی بونی] » » (اولکون-بار)

هر قضائک بر قائممقامی و بر قائممقام معاونی وایکی کانی

واردرد. (زہتا) قضائک قائممقام معاونی اسلام؛ بار واولکون

قائم مقام لری اسلام، معاون لری خرسیتاندر . [(قاتون) قضا-
سی قائم مقامی عین زمانده (چتینه) شهر امیندره .]
هر قصبه ده (واروش قایتانی) نامیله برر ژاندارمه ضا-
بطی بولمقده در . امارت ژاندارمه لری نیک مجموعی انجق (۱۰۰)
نقره بانغ اوله بیلور . قضا لره ایجابنه کوره تقسیم ایدلمشدر .
قره طاغ نك نفوسی حقنده روایت مختلفدر . (۲۰۰) بیک
ایله (۳۰۰) بیک آره سنده برطاقم رقم لری ذکر اولمقده در [۵] .
اک طوغریسی شو اولمق محتملدر :

اورتودوقس ۲۰۰۰۰۰

مسلمان ۱۵۰۰۰

قتولک ۱۳۰۰۰

جمعاً ۲۲۸۰۰۰

اورتودوقسلر آراسنده (۲۰۰۰) قتولکلر میاننده (۹۵۰۰)
و مسلمانلر ایچروسنده دخی (۸۵۰۰) کشی که جمعاً (۲۰۰۰۰)
اهالی آرنأؤد جنسیتنه منسوبدر .
قره طاغده شهر اطلاقه شایان محال مسکونه یوقدر . قصبه
وکویلری شونلردر :

[*] غوطه سالنامه سنده بروجہ آتی ارائہ اولمقده در :

اورتودوقس ۲۰۱۰۶۷

مسلمان ۱۳۸۴۰

قتولک ۱۲۹۲۴

جمعاً ۲۲۷۸۳۱

اهالیسی		اهالیسی	
۱۵۲۶	ردقا	۶۵۳۴	بودغوریچه
۱۱۲۲	دانیلوغراد	۵۰۰۵	اولکون
۹۸۵	قولاشین	۳۵۳۰	نیقشیک
۹۵۸	ویرپازار	۲۹۲۰	چتینه [پایتخت]
۸۹۵	آندرهویچه	۲۱۱۴	بار
		۱۸۷۵	نیهغوش

۵ — جنسیت، مذهب، لسان و معارف‌ری.

قره طاغیلر جنوبی اسلاولردن صرب جنسیتنه منسوب اولوب انجق جته وقامتجه حتی بعض عادات و اخلاقجه دخی اسلاولردن زیاده آرنأؤدلره مشابهلری وارد. بوده کړك قره طاغیلر وکړك بوشناقلر وهرسکلیلر و دالماتلر صرف اسلاو اولیوب اسلاو ایله آرنأؤد جنسلرینك اختلاط و امتزاجندن متولد اولمىندن ایلرو کلمکده در.

زیرا یدنجی قرن میلادیده اسلاولر او جهتله کلوب یر- لشدکارنده (پردوزه) و (سلانیک) کورفرندن ترسته جوار- لرینه قدر (ایایریا) دنیلن قطعنهك بتونی آرنأؤدلق و آرنأؤد اهالیله مسکون ایدی. هر نه قدر اسلاولر کلیتلی کلوب بریکیلر مقاومت ایده مامکله برطاقلری طاغامش ویا شمیدیکی آرنأؤدلغه چکلمش اولملری ملحوظ ایسه ده، بر خیلی مقدارینك دخی

قالوب یکی کلن اهالی ایله قاریشمش اولملری دخی طبیعیدر.
هر حالده ایوم قره طاغلیلرک صرپلیلرله بوشناقلردن جنسیتیجه
برفرقلری اولیوب عین لسانله متکلمدرلر. موقعلری اقتضا-
سنجه طبعاً جسور و جنگاور آدماردر.

جمله سی اورتودوقس مذهبیه تابع خرسستیاندلر. انجق
جنوب جهتلرندن جنسیتیجه آرنأؤد و مذهبیه مسلم بر چوق
اهالی [۱۵۰۰۰ کشی] بولنوب هله اولکونک اهالیسی کاملاً
آرنأؤد و مسلمدر. بر مقدار قتولک [لاتین] مذهبیه سالک اها-
لیسی ده واردر.

اورتودوقس لک (چتینه) ده مقیم بر متره پولیدی [*] بولنوب
(چرناغورا) و (بردا) جهتلرینه حکمی نافذدر.
اسلاملک (اولکون) ده بر مفتیسی و (پودغوریچه) ،
(بار) ، (اولکون) ده دخی آروجه اوچ قاضیسی مقیمدر .
قاتولیکلک (بار) ده بر باش پسقوسی (اولکون) ، (پودغوریچه)
(شستان) ده برر بیوک راهی بولتمقددر .

معارف عمومییه ترقیات حاضره مدنییه ایله متناسب اولیوب
پک کریدر. بونکله برابر صوک زمانلرده اختیار ایدیلان فدا-
کارلق و صرف اولنان همتله بالجمله ناحیه مرکزلیله کلیسالی

[ه] (ظاهوم) و (اوسطروغ) متره پولیدی نامیله بر ایکنجی رئیس
روحانی ده بولمحق ایسه ده (ظاهوم) موقعک هر سک جهتده اولسی
جهتیه اقامه ایدیلهمامش و (اوسطروغ) حواله سنک امور روحانییه سی
شمیدلک قره طاغک یکانه متره پولیدی اولان (چتینه) یه مربوط بولنمقددر .

کویلرده برر ابتدائی مکتبی [قصبه‌لره تصادف ایدن مکتبک
 اناثه مخصوص بر صنفی وارددر.] کشاد اولمشدر. آروجه
 (چتینه) ده اعدادی درجه‌سنده آلتی صنفی و کذا (پودغور.
 ریچه) ده درت صنفی برر (جیمناز) مکتبی موجود اولوب اما.
 رتک نوعما مکاتب عالیہ‌نی تشکیل ایتکدهدر. [۵۰]

جماعت اسلامیہ (پودغوریچه)، (اولکون) و (بار) ده - قره
 طاغیلر ککندن - مستقلاً اداره اولنور، خصوصی مکتبه
 مالکدر. (اولکون) ده اوچ، (بار) ده ایکی و (پودغوریچه) ده
 بری اناثه مخصوص اولمق اوزره ایکی که جمعا یدی ابتدائی اسلام
 مکتبی موجوددر. یالکز (پودغوریچه) ده ذکوره مخصوص اولان
 مکتب درت و دیگرلری اوچر صنف اوزرینه مرتبدر.

قره طاغیلرک لسان و ادبیاتی صرپایلرله مشترک اولوب
 سائر اورتودوقس اسلاولرکی لسانلرینی (کیریل) حروفله
 یازارلر.

چتینه ده منتشر هفته‌لق (غلاس چرناغورا) [قره طاغ صدامی]
 نامیله رسمی برغزتہلری اولوب آروجه (نیقشیک) ده کاه
 (نووسین) [حوادث] وکاء بشقه ناملرله نشر اولنور دیگر
 اسبوعی برجریده سیاسیہ و بری امور روحانیہ دن باحث اولمق
 اوزره ایکی شهری رسالہ موقوتہلری ده وارددر.

[۵۰] و قتيله (پودغوریچه) ده درت سنه ده دوام ایدوب بعده سد
 اولنش برزراعت مکتبی وار ایدی.

(چتینه) ده مکماجه بر مطبعه [لیتوغراف و تیپوغراف]
 (نیشیک) ده دخی عادی بر حروفات مطبعه سی بولمقدمه در .
 هر قصبه ده نوعم اولوب طرزنده نیم رسمی بر قرائتخانه بولمقدمه
 اولوب بالجه مأمورین حکومت و متحیزان مملکت بهمه حال
 اعضاء دائمی تشکیل ایدر. آوروپانک اک هجری بر محله
 آچامش اولان بو قرائتخانه لره دنیانک هر طرفدن مختلف
 لسانلره یازلمش سیاسی، ادبی، مزاحی غزله لر کلیر. ذاتاً اها-
 لینک حربدن و حربه حاضر لمقدن غیری ایشی و کوچی اولمده
 یغندن هپ آرالرنده کی مباحثات عسکرلکه، سیاسته واسلاو
 عالم و حیاته متعلقدر. قرائتخانه لره کیرد میان عوام کروهی ایسه
 اوتده بروده (غوسله) [*] ایله مناقب حربیه او قورلر.

۴ - طرق و مواصلات و خطوط تلغرافیه.

قره طاغ اراضینک عارضه لی و سنکستان اولسی حسبیه
 صعب الحركه و حال طبیعیده اولان یوللرنده کی سیر و حرکت
 مشکلاتی اوتدنبیری مشال اوله رق ایرا- ایدیاورکن ۱۸۸۱

[*] تک کریشلی برکنجه دن عبارت اولان (غوسله) قره طاغلیلرک
 و صرپلرک برملی چالغیسیدر. حتی صرپ و بلغار کویلرینی بر برندن تفریق
 ایتک ایچون (غوسله نک) بولنوب بولندیغنه دقت ایتک کفایت ایدر. اکر
 کوی صرپار ویا قره طاغلیلر ایله مسکون ایسه هر اوده مطلقا (غوسله)
 بولنور.



۱. و و پورده



۴. و بورخوما نه و کیلی (قول غا)



۵. و بورخوما نه ای (بیکباشی)



۸. طابور بارافقاری



۷. لوا بارافقاری



۱۲. ادباشی



۱۱. چارش



۴. لواؤماندانی (مندان)



۶. باده بول قوماندانی (برپاسی)



۵. بهاریه قوماندانی (بویاشی)



۱۰. برپانیک (صفت فردی)




۹. بولک بارافندی



۱۴. بوربوز



۱۲. طوبی نفری



سنة سندنبری قسماً رفع و ازاله ایدلمش و حقیقه شایان تقدیر
بر حالده هیچ یوقدن بر چوق شوسه لر وجوده کتیرلمشدر .
طرق موجوده عسکرلک نقطه نظرندن حائر اهمیت فوق العاده
اولدیغندن بوجه آتی تفصیلاً بیان اولنور:

۱. بردا قسمی :

(بردا) یعنی (طاغلق منطقه سی) الآن طرق طبیعیہ
دنبشقه خطوط مواصلہ یه مالک دکلدر . امارتک همان نصفه
معادل اولان بو طاغلق منطقه ، (سرای بوسنه) سنجاغنک پلک
جزئی بر قسمیلہ (طاشلیجه) ، (یکی بازار) ، (ایپک) متصرہ
فلقلمرینه و (اشقودره مالیسائی) نہ مجاور اولدیغندن قرہ طاغلق
آتیده ذکر اوانه جق عربہ یوللرندن بالطبع استفادہ ایدہ ما
مکده در .

ب. زہتا حوضہ سی :

شمالاً (دوغا) [۵] بوغازینک (نیقشیک) جهتہ کی
مبدأندن یعنی (اسطوپووی) موقعندن باشلا یه رق جنوبہ
و (اشقودیه) کولی ساحلندہ کائن (پلاوینچا) اسکله سنہ منتهی
اولمق اوزره (۸۵) کیلدمترہ طولندہ بر شوسہ یه مالکدر ، بو طریق

[۵] دوغا بوغازی هر سکن دن زہتا وادیسی بونجه آرناوڈلغه کیدن
طریقک مرور ایتدیکی مشهور بر کچید اولوب ۲۰ کیلومترہ قدر طولہ
مالکدر .

شمالده (نیقشیک) جنوبده (زدتا) نام دیگرله (پودغوریچه)
 و بونلرک وسطنده (به لولاولوویک) اووه لرینی بر برینه وصل ایلر.
 (زدتا) وادیسینک صاغ طرفنی تعقیب ایدن مذکور یول (پری)
 قریه سی قرینده ایلك و صوك بهار موسملرنده طغیان میاه سبیلله
 عارضه انقطاعه اوغرامقده و طرفین اووه لرینک مواردده و موا-
 صله سی کسبله رك انجق (وارد کله) نوغندن بر دوبه یه منحصر
 قالمقده ایکن اخیراً ۱۸۹۴ ده صوم کارگیر اوله رق ۲۷۰ متره
 طولنده و (۶) متره عرض و (۱۳) متره ارتفاعه مالک (۱۸)
 کمرلی (چارکوپریسی) نامنده کی برکوپری انشا و تأسیس ایدلمش
 اولدیغندن (نیقشیک) ك جنوب ایله اتصالاتی تحت تأمینیه
 آلمشدر.

شوقدوکه كرك شمالاً (بوسنه) یه و كرك غرباً (هر سك)
 ایله غرب جنوبیده (آدریاتیق) دکرینه طوغری مخرج و
 مواصله سی اولدیغیچون بویول چیقماز سوقاق حالده و
 (نیقشیک) ده آنك منتهاسنده قالمقده در. [۵]

۶. قره طاغ منطقه سی :

(چرناغورا) یعنی اصل (قره طاغ منطقه سی) ، (دالماسیا)
 ساحله موازی و قسم وسطیسی (قطارو = قوطور) کورفرینی

[۵] واقعا (دوغا) بوغازندن کچمک و هر سکه (متوکیا = غاچقه)
 موقعنه منتهی اولقی اوزره بریول وارسه ده شوسه حالنده دکلدر.

محیط اولدیغندن پرنسلیک دکرله اولان مواسله سی ، دنیانک انانی مرسانرندن اولان و (قطار و آغز لری) دینلان (قو طور) کورفری سایه سنده بومنطقه واسطه سیله دره ساحل بویجه اولان حدود نهایت یدی سکز کیلومتره بعدده ایسه ده اکثر نقاطنک و حتی کورفرزده لب دریایه برکیلومتره قدر اک زیاده یاقلاشمش اولدینی موقعنک ارتفاعی (۱۰۰۰) متره دن آر اولدینی کبی (زدتا) حوضه سیله بوساحل آراسنده (۲۵ : ۳۰) کیلومتر دلك مسافه ده موجود اولان کوچک یابلا لر و راقلری (۱۰۰۰) متره نی خیلی تجاوز ایدن سلسله جکله ره بر برندن متفرق بولندیغندن بومنطقه ده بریادن دیگر طرفه کچمک اپچون مکرراً انیش و چقیش مشکلاتی واردر. ایشته بوعوارض ایله ملمو اولان و تشکلات طبیعی سی (اراضی ثانیه) دن عباوت بولنان بومنطقه ده قطار و کورفرزندن، (موراچه) صوی اوزرنده و (پودغوریچه) قربنده کائن (وزیر کوپریسی) نه قدر (۹۰) کیلومتر دلك بر شوسه (آدریاتیق) دکرینی (زدتا) حوضه سنه ۰ ووسطه کائن (ردقا) قصبه نی ده (چرنوویک) دره سی واسطه سیله (اشقودره) کرلنه وصل ایلر. [۰]

(چینه) دن کچن مذکور یولک (آدریاتیک) ساحلندن

[۰] (چرنوویک) دره سی، نوروجده کثرتله تصادف اولنان (فیورد) لر کبی (اشقودره) کولندن (ردقا) قصبه سنه طوغری ۱۲ کیلومتره قدر صرقلش درین بر قنال مثابه سنده اولوب داخله سنه نك هر موسمنده ۳۰ و ۴۰ طونیلاته لق سفائن کیروب چیه بیلورلر

قره طاغ حدودینه قدر اولان (۱۹) کیلومتره لك قسمنی (آوستریا) حکومتی برهمت کوه براندازانه ایله وجوده کتیرمشدر؛ شویله که ساحلدن افتاً (۸۰۰) متره لك برمسافه ده اولان (۴۶۵) متره مرتفع برحله چیقماق ایچون ($\frac{۴۸}{۱۰۰}$) میلنده اولان یماجه (۱۰۰) ده (۵,۵) میل ایله (۱۶) دیرسکلی ییلانقاوی برطریق انشاسنه موفق اولیلمشدر.

یولک (قطارو) دن اعتباراً (۳۴) نجی و (چتینه) دن ده (۱۱) نجی کیلومتره سندن بدء ایله (ککلیک)، (بیله لیچ)، (مالوشین)، (زاغراج) یا یلاجقلری اوزرندن (دانیلوغران) موقعنه منتهی (۴۱) کیلومتره لك محلی [وقنیله کـرکاهی تعیین و اشارت و (۱۸۹۰) سنه سنده انشاسنه مباشرت اولمش و (چیقانیه) جهتندن برقاق کیلومتره سی ده یاپلمش ایکن نصلسه ترك ایدلمش اولدیغندن] نقصاندر.

(چرناغورا) نك وسطندن کچه جك اولان بو طریق اکال ایدیلورسه (زمتا) حوضه سی و بناءً علیه (بلو پاولوویک) اووه سی الك قیصه بر استقامتله [یعنی ۱۴ ساعتده] دکزه وصل ایدلمش اوله جقدر. [بوندن بشقه (قطارو) کورفرزنده کائن (ریزانو) = ریسنه) لیماندن (غراحوه) حدودینه قدر منتهی (۱۸) کیلومتره لك بریولک اخیراً تنظیمنه آوستریا جه تشبث ایدلمش اولدیغندن (غراحوه) دن (نیقشیک) ه قدرده امارتجه تقریباً (۴۳) کیلومتره لك بریول انشاسیله (نیقشیک) حوالیسنک

(۱۲) ساعتده (آدریاتیک) دکزیه تسهیل و تقصیر مواردی متصوردرکه بویکی طریقک اکالی حالنده قرهطاغک دکزیه اولان اتصالاتی کاله ایرمش اولور.]

د . ساحل منطقه سی :

(یریمورا) دینلان اشبو منطقه کول ایله دکز آراسنه صیقیشهرق امارتک هیئت مجموعه سندن آیری قالمش اولمق حسابیه بر منطقه مستقله حالنده بولنوب حاوی اولدیغی (بار) (وال دینوچ) ، (چوزدره) لیمانلریله (اولکون) اسکله سی و (جرانه) یاخود (میلهنا) مرساسندن [ء] یالکیز (بار) ی (ویرپازار) موقعنده کول ساحنه ربط ایدن (۳۴) کیلومترهک بر شوسه ایله (اولکون) دن (چای آغزی) [یعنی بویانه منصبی] نه منتهی طبیعی بر آراهه یولنه مالکدر . بویکی یول نه بر برینه نه ده (زمنا) و (چرناغورا) یوللرینه الصاق ایدلماش اولدیغندن طولانی ساحل منطقه سی امارتک آقسام سائره سیله اتصالاتدن عاریدر .

بر آردلق (ردقا) نک (ویرپازار) ء (۲۴) کیلومترهک بر

[۰] ۱۸۹۶ سنه سی طغیان میاهنده (اشتوی) کولنی دکزه اجرا ایدن قنال (بویانه) صولرینک هجومیه توسع ایددرک [۱۵ متره عرضنده ایکن ۶۰ : ۱۲۰ متره اولهرق] بومناسبتله (اولکون) ه برلدوس لیمانی تشکیل ایلدیکندن ایرتسی سنه بهارنده ده بعض عملیات محافظه نک اجراسی نتیجه سنده (میلهنا) توسیم قلنمش اولان (جرانا) نامنده کی لیمان حاصل اولمشدرد .

طریق ایله وصلی تصمیم ایدلمش ایکن بالاخره فعله چیقار یله میه-
رق تصورده قالمش ایدی. (قره طاغ) ك كندی ساحلاری طو-
ررکن مواقع بحریه سندن استفاده ایده جك یرده (آوستریا)،
لیمانلرینه عرض احتیاج ایتمی و یاخود دها اوزاق اوله رق (بو-
یانه) و کول ایله مواردیه محکوم و مجبور اولسی محاذیری عاقبت
نظر دقته آلمش اولمیدرکه اولکی سنه جوار خلقنك قحطزده-
لکی فرصتی بالاغتمام مذکور یولك برقاچ یرندن باشلانهرق
شمدی یه دکن برثلث مقداری بیتیر یله بیامش وحتی (ردقا) نك
۱۰ کیلومتره روزکار طرفنده دره اوزرینه مکمل برده کوپری
انشاسیله بر طرفدن (چتینه) و دیگر جهتدن ده (پودغوریچه) و
وایلروسنك (ردقا) اوزرندن (بار) ده بحرہ ایصال و اتصالی
تقرر ایتش کیدر. [*]

الحاصل (قره طاغ) قطعہ سی (۹۰۸۰) کیلومتره تربیعنده
اولدینی حاده (۳۰) ی طبیعی اولان (۲۳۴) کیلومتره لك منتظم
عربہ یولنه مالکدر. تأسیسی متصور و یادر دست اولانلر (۲۷۰)

[ه] اکر (بردا) منطقه سنده (پودغوریچه) نك ۱۰ کیلومتره
آقینتی طرفنده کی (وزیر کوپری) سندن بدء ایله (مواجهه) نهری اوزر-
نده کی (ماطیش) کوپریسی اوکنده ایکی یه آیرلق اوزره بری (قولاشین)
قصبه سنه و دیگر ی (آندره ویچه) واسطه سیله (برانه) حدودینه قدر
امتداد ایتك اوزره ۱۰۰ کیلومتره لك برشوسه انشاسی تصویری بعض
مطالعات سوق الجیشیه دن دولانی ترك ایدلامش اولسه یدی امارتک یول
شبیکه سی اکمال ایدلمش بولنوردی.

کیلومترودن زیاده اولدیغندن بونک (۴۱) کیلومتره لیکنک انشاسنه سکر و (۲۴) دینک ده ایکی سنه دئیری باشلامشدر. امارتجه چوق دوشونیان حرکات عسکریه مطالعاتندن وسوق الجیش تخیلا - تندن فراغت ایدیلوبده (بوسنه - هر سگ) نافعہ اداره سنک تکلیف وترغیب ایتدیکی (دوغا) و (دالماچیا) حکومتک تسهیلات کوستر - دیکی (غراحوه) طریقارینک بالاده مسرود یوللارله ختامی حالده ممالک متجاوره ایله بروجہ آتی (۱۰) نقطه ده کسب ارتباط و انصاق ایده جکندن امارتک اتصالات و مواردات عمومیه سنی تأمینہ والحاصل احتیاجات نقلیه سنه کفایت ایلر :
اولاً — ساحلده (ریزانو ، قطارو ، بار) لیمانلری

۳ اوله رق
ثانیاً — کولده (ویر ، ردقا ، پلاوینچا) اسکله لری


۳ اوله رق کذا
ثالثاً — (اشقودره) و (قوصوه) ولایتلرنده بری (طوز) قربنده (چم) کوپریسی و دیگر

۲ برانه) قربنده (ونیسقه) قریه سی اوله رق....
رابعاً — (هرسک) سنجاغنده (غاچقه) ایله (تره بین) حدودلرنده کائن (قازانچی) و (آرخانکلوایچ)

۲ موقعلری اوله رق کذا

که جمعاً ۱۰ موقع اولوب بونلره ضمیمه اوله رق:
خامساً — شمالده (طاشلیجه) حدودنده و (تازا) وادیسندہ

کائن (نقرتارا) ایله جنوبده (بودوا) لیانی ده نظر مطالعه دن
دور طوتلمیان دیگر ایکی موقعدرکه الحاله هذه الك ایشلک
واولدقچه دوزکون بارکیر یوللرینک منتهالیدر.



طرق مذکورہ نك ابعاد واقسامی بروجہ آتی اولوب
مواقعك راقلری [] دروننده یانی باشلرینه قونامشدر:

کیلومتره
جمعاً منفرداً

۶ (اسویرونیاق) نامنده کی سیل یتاغنک برکیلومتره

شمالندن باشلایان (قطور) حدودندن [۹۰۴] قرستاج

[۹۳۴] بوغازی واسطه سیله نیه غوش [۸۸۵]

۹ نیه غوش [۸۸۵] — بوقوویچا بونی [۱۱۳۳] —

چقانیه [۱]

۱۱ چقانیه [۱۰۷۲] — چتینه [۶۶۰]

۲۶ — قطور حدودی — چتینه [حدوددن (اوچلر

استحکامی) بونی (۱۳) و اورادن (قطور)

(۶) که جمعاً (۱۹) کیلومتره در. [

۱۰ چتینه [۶۶۰] — قوشچه لا [۲۵۱] [۲]

۶ قوشچه لا [۲۵۱] — ره قا [۱۰]

۱۶ — چتینه — ره قا [۳]

کیلومتره
جمعاً منفرداً

- ۸ ردقا [۱۰] - پیپاچ [۹۱] [۴]
 چارفالاس [۲۲۰] نام کچید (پیپاچ) ک ایکی کیلومتره
 ایلروسنده کی بوغازک بر کیلومتره شمالنده در.
- ۲۱ پیپاچ [۹۱] - پودغوریچه [۳۰] [۵۶، ۷]
 ۲۹ ————— ردقا - پودغوریچه
- ۱۱ پودغوریچه [۳۰] - اشپوزی [۵۲] [(اشپوزی)
 یولک بر کیلومتره قدر شرقده قالدیغندن بر شعبه ایله
 جادهیه مربوطدر.]
- ۱۰ اشپوزی [۵۲] - دانیلوغراد [۶۶] [۱]
 ۲۱ ————— پودغوریچه - دانیلوغراد
- ۲۵ دانیلوغراد [۶۶] - بوغه تیچ [۴۱۹] - [(اوسطروغ)
 مناسترینه آریلان سواری یولنک مبدأنده وبوغازک
 جنوب آغزنده در.]
- ۱۰ بوغه تیچ [۴۱۹] - چار کوپری [۶۲۱] - نیشیک
 [۶۶۰] [۸]
 ۳۵ ————— دانیلوغراد - نیشیک
- ۱۰ - ۱۰ نیشیک [۶۶۰] - بره زوویک [۶۸۰] - اسطوپووه
 [۶۸۹] [۹]
 [(دوفا) بوغازی مبدئیدرکه (غاچقه) حدودنده

کیلومتره
جماً منفرداً

(قازانجی) [۹۸۳] قپوسنه قدر (۵۰) و آندن

(هر سـك) ده (غات قشله سی) نه [۱۱۲۰] قدر

(۷) کیلومتره اولوب یالکیز (غات) دن (غاچقه) یه

[۹۶۰] قدر (۱۵) کیلومترلک شوسه موجوددر . [

۱۳۷ جماً طرق اصلیه . (قطور) حدودندن (چتینه) و

(پودغوریچه) یه واورادن (نیقشیک) و (اسطو-

پووی) یه قدر .

جماً کیلومتره

۲ [۲] قوشچه لا [۲۵۰] - چکلین [قریه جیخانہ

موقعی و طابور مرکزی اولدیغیچون (۱۸۹۸) ده

یاپلمشدر . [

۹ [۴] پیپاچ [۹۱] - دروشیچی - ژابیاق [۲۹]

[دروشیچدن ژابیاقه قدر (۷) کیلومتروسی طریق

طبیعیدر . [

۱۹ [۵] پودغوریچه [۳۵] - پلاوینچا [۹] [کول کنا-

رنده و طوز مغازه لرینی حاوی اسکله در . [

۵ [۶] پودغوریچه [۳۵] - چم = زم کوپریسی [۱۲]

[(اشقودره) حدودی اولوب (طوز) دن کولک

جمعاً کیلومتره

(۵م) [۲۹] اسکله سنه قدردده طریق طبیعی وارددر . [

۳۶ ویرپازاز [۱۴] - سوطورمان [۸۳۰] - باراسکله سی

[(بار) [۱۸۲] قصبه سیله (طوپلیچه) یالیننه جمعاً

(۳) کیلومتره لك شعبه لريله برابردر . [

۱۶ اولکون [۵۳] ۲ - طاطاس محله کوپریسی [۳۵]

۱۲ - (شینقول [۸] چای آغزی) [(طاطاس)

کوپریدن (بویانه) منصبه قدر (۱۲) کیلومتره امتداد

ایدن طریق طبیعی براراز تسویه کورمشدر . [

۴ طاطاس کوپریسی [۳۵] ۲ - زوغانیه [۱۱] [(بویانه)

کنارنده رأس حدود اولان (شینکرك) ه [۱۱]

قدر یالماق اوزره باشلانمش اولان (۱۳) کیلومتره لك

بویولك نصفی قدرنده تسویه ترابه یاییلوب و طرفینه

خندقلر آچیلوب ترك ایدلمش طبیعی یولدر . [

۳ اولکون - چرانه [نام دیگرله (میله نا)] لیمانی

[باشلانمشده ایکی سنه در بیتریله مامشدر . [

۳ [۸] نیکشیق [۶۶۰] - پولیچه کوپریسی = یکی

کوپری [۶۵۰] [۱۰] [(غراحوه) اوزرندن

(ریزانو) و (تردین) استقامتیدر . [

۲۳۴ (۲۰۴) کیلومتره سی انشا و تسویه ایدلمش یول اولوب

متباقی (۳۰) ی طریق طبیعی دن ایکن اصلاح قلمشدر .

جمعاً کیلومتره

۴۱ [۱] دانیلوغراد [۶۶] ۱۱ زاغاراچ [۴۹۶] ۱۰

مالوشین [۹۳۵] ۱۰ چقانیه [سکیزسنه اول باشلا-
نوب (چقانیه) طرفدن آنجق برقاچ کیلومتری
ساده جه تسویه کورمشدرکه بونک ختامی حالنده
کرك (دانیلوغراد) و كرك (نیکشیق) موقعلری
(چتینه) یه (۱۴) و (قطارو) یه (۳۶) کیلومتره
تقریب و تقصیر ایدلمش اوله جقدر .]

۲۴ [۳] زدهقا [۱۰] - نیوه [۱۸۰] - ویرپازار [۱۴]

[ایکی سنه اول باشلانوب آنجق برثلث قدری تسویه
اولنه بیامشدر .]

۶۵ [۷] پودغوریچه (وزیر کوپری [۳۵] دن) ۱۱ -

بیوجیه [۸۹] ۱۳ - بر اٹونوژیچی [۶۸۰] ۹ -

لوباط [۱۰۴۱] ۲۰ - ماطیش کوپریسی [۱۰۴۰]

۱۲ - قولاشین [۹۷۸] .

۳۵ [۷] قولاشین یولندن ماطیش کوپریسی [۱۰۴۰] -

ترشنهویک بالقانی [۱۶۲۰] - آندره ویچه [۷۹۱] -

و نیسقه [برانه حدودی]

۵۰ [۹] اسطوپووه [۶۸۹] - دوغابوغازی [۱۲۰۰] -

قازانچی [۹۸۳] [هر سك یوللرینك قره طاغه اك

یاقین نقطه سی (خاچقه) نك (۱۵) کیلومتره شرق

جمعاً کیلومتره

جنوبیسنده کائن (غات قشله-بی) اولوب (قازانجی) به
[(۷) کیلومترودر .]

۴۰ [۱۰] پولیچه کوبریسی [۶۵۰] ۱۹ - طروبیه لا [۸۵۴]
۱۹ - غراحوه [۷۱۲] ۲ - قریووشی حدودی
[۶۹۸] - پلوچه قپوسی [حدوددن (لوپوغلاود)
بوغازینه قدر نصفی طاریول اولمق اوزره (۱۸)
کیلومترده عادی بریول (ریزانو) به قدر (آوستریا) جه
دردست توسیعدر .]

۱۵ [۱۰] غراحوه [۷۱۲] ۱ - زاسلاب [۶۷۶] ۲ -
آدخانکلوچ قپوسی [بورادن ۷ لاسطوا [۳۹۴]
وبعدہ برشوسه ایله ۱۰ تره بین [۲۷۳] در .]

۲۷۰ دردست اکال ومتصورالانشا طرق

کیلومتره

۲۳۴ موجودشوسه لر [که بونک ۳۰ کیلومتروسی

طرق طبعیه بندر .]

۲۷۰ دردست اکال شوسه لر

۵۰۴ جمعاً یکون

شوسه لر ایچون علی العموم (۷) متره عرض وحد اعظمی
اوله رق $\frac{۱}{۱۱}$ میل انتخاب ایدلمشدر؛ نقطه بو عرض اقسام جبا-
لیده (۶) متریه تنزل ایتدیکی کی (بهلویا و لولویک) و (پودغو -
ویچه) نك غربنده کی (اشقویول) اوودلرنده دخی طرفین خند-
قلری داخل اولدینی حالده (۸) متریه بالغ اولور . ولو غایت
قیصه دخی اولسه (تونل) و (ویا دوک) کی انشآت ضاعیه دن
[پارد صرف ایتمک ایچون] حتی حفر واملالردن اجتناب
ایدلمش اولدینی جهته یوللرک طاعلرده کی طولی طولامبا جبر
سیبیله خلی اوزامش اولدقدنبشقه (چتینه) ایله (نیه غوش)
آراسنده کی (بوقوویچا) طاعی بونینک طرفینله (نیقشیک) ک
جنوبنده کی (اوسطر و غ) بوغازینک بولندینی (پلانینیچا) سلسله-
سنگ جنوب پایه سی کی یرلرده $\frac{۷}{۱۱}$ وحتی $\frac{۷.۵}{۱۱}$ میلنک قبولنه
مجبوریت الویرمش و شوقدرکه بومقدار اکثریا طولامبا ج
عددینک تنقیصی التزام اولندینی یما جلدده و قیصه مسافاتده اختیار
قلنمشدر.

امارتک آوروپا ایله اولان مواردسی حال حاضرده (آدر-
یاتیک) دکرینه منحصروبحر مذکور سواحلتک امارته الیاقین
قسمنه (آوستریا) متصرف اولدیغندن حکومت مذکوره (قره طاغ)
مواردات تجاریه و سائرده سنگ کلیا کندی مملکتنه حصری
املیله عربیه یوللاری انشآتیی تشویق و تسهیلدن وحتی ابتدالری
کویا بونک ایچون سنوی (۳۰۰۰۰) فلورین [۲۷۰۰ عثمانلی

ایرانی | قدر بر مبالغ اعانه‌سی فداکارانگی اختیاردن کری
 طور مامشدر. انجق مذکور اعانه‌بی بدایت امرده نقدآور میوب
 قازمه، کوردک، ال عربیه‌سی، کولونک کبی مالزمه انشاءیه دن
 بشقه باروت تدارک واعطا ایدرک قسم اعظمی بدلاً تسویه ایتش
 و امارتک یول یاپمینی ۱۸۹۲ سنه سندن ماعدا صوک اوچ سنه
 ظرفدهده اعانه و تدارکاتی قطع ایدیور مشدر. بومعاونته برابر
 اقلیم و طبیعت اراضیسی حسیله (قره‌طاغ) ده اوچ درت سنه ده
 بر قوراقلق یوزندن جهت جهت قحط حکمفرما اولمقده
 ایدوکندن امارت بویه بر زمانی یوللرک انشاءسیچون فرصت
 اتخاذایده کلمکدهدر. چونکه وقت ضرورتلرنده اهالی به تدارک
 و توزیع مجبور قالدینی اعانه‌ک زاد و ذخیره‌بی نوعما یول انشاء
 سی اجرتی مقامنده طوته‌رق هم خالق قحط و احتیاجدن وقایه
 همده یوللری آز اجرت و مصرفله انشاء و تسویه ایتمکدهدر.
 بونکله برابر شوسه‌لر کذرگاهنه مصادف نواحی سکنه‌سی،
 یوللرک تعمیر و محافظه‌سیچون ایکی دفعه ده دردر کوندن هر سنه
 سکر کون یوللرده چالیشمقله مکلفدر.

طرق موجوده (۱۷) سنه ظرفدهده وجوده کتیرلمش اولدیغه
 نظر آسنوی (۱۲ : ۱۳) کیلومتره‌ک یول یاپلمش دیمک اولیورکه
 مدت مذکورده ظرفدهده آدم باشنه بر متره یول انشاءسی دوشدیکی
 و مملکتک وسعتی حسابیله ده هر (۱۰) کیلومتره تربیعنده
 (۲ $\frac{۱}{۳}$) متره قدر یول بولندینی حساب ایدیلورسه طرق موجوده-

ده هم اعمالات همده اعمارات نقطه نظرندن شایان استکثار
دکدر. شوقدرکه کرک اراضینک عوارض طبیعیہ و کرک مملکتک
استطاعت مالیہ جه بولندیغی حال مشکل بو باده کی همت وغیرتی
آزچوق تقدیره مقارن بولندیره بیلور.


یوللرک (قطارو) دن (چتینه) یه اولان قسمنی (آوستریا)
مهندسلری ترسیم ایتمشله رسده اقسام داخلیه مداخله لری اولما.
مش ویالکز (اوسطروغ) کندرکاهی اورمان و دمیر یولی کشفنه
کلن بر فرانسر مهندسی طرفندن تصحیح و تعدیل اولمشدر.
الحالہ هذه امارتک امور نافعہ سی ایچون بر نظارت موجود
اولمیوب (نافعہ مأموریتی) نامیلہ داخلیه نظارتنه مربوط و (پاہ
رس) ک (طرق و جسور) مکتبنده اکمال تحصیل ایتمش یکانہ
برمهندسہ مودوعدر.

ثروت محلیہ نک فقدانی (قره طاغ) ی تیمور یوللرندن آلآن
محروم بولندرمقدہ وحوالی متجاوزده دخی تیمور یولی بولما.
مسی بر شعبہ سی واسطہ سیلہ اولسون امارتک استفادہ سنہ مانع
اولمقدہ در. (موراجہ) و (تارا) نہرلرینک حوضہ علیالرنده کی
اورمانلردن ساجلہ کرسته اخراجنی تسهیل ایچون منصبندن
اعتباراً (موراجہ) وادیسیلہ شمال طوغری (ده قویل) اصولنده
بردمیر یولی انشا ایتدیرلک اوزره فرانسر سرمایہ دارانسن
بعضیلرینہ بوندن برقچ سنہ اول مراجعت وقوعبولمش ایسه ده
مذکور اورمانلرده قره طاغلیلرک ادعاسی کی کافی میشه بولندیغی


فمانده پرسی نشانی



فره طایغ بانه برهی



دانیلر نشانی



قوة طایغ و ابره نشانی

بانایره و ابره نشانی

و ابره

ارباب علاقہ نك كشفیاتى نتیجہ سنده آ کلاشیلدیغندن اخراجات
کول ساحلنده کائن (پلاوینچا) دن (قولاشین) قدر تقریباً (۱۰۰)
کیلومتره لك دمر یولنك مصرفى قورویه میه جغى حساب ومطالعه
سیله بوتصور متروك قالمشدر. [۵]

اهمیت مخصوصه عسکریه سنه بناء امارتك تلغراف مراکزى
حقنده تفصیلات اعطاسى فائده دن خالى اولمديغندن عددی
(۲۰) یه بالغ اولان مرکزلك اسملى داخلنده بولندقلرى
لوالر صره سنجه بوجه آتی تحریر اولنور:

(قانون) لواسنده	{	چتینه
		چه وو
		تره شنه وو
		غراحووه
		نيه غوش
(چرمنیچا) لواسنده	{	ویر بازار
(بردا) لواسنده	{	دانیلو غراد
		اشپوزى
(پیوستقا) لواسنده	{	نیقشیک
		لیلیانی
		غورانسقو [یه زه روژاییاقی] ..
		شاوینیک
(زه تا) لواسنده	{	پودغوریچه

[۵] صوك زمانلرده مختلف مواقعہ [بالخاصہ (زه تا) وادیسی بونجه]
تیمور یول تمدیدی ایچون دیگر سرمایہ دارلره امارت طرفندن بعض
تکالیف درمیان ایدلش ایسه ده الان برثره سی کوریلہ مامشدر.

قولاشین { (موراجه) لواسنده

ردقا
 اولکون
 (ساحل) لواسنده { بار
 بار اسکله سی
 بویانه منصی (سن نیقولا) ...

آندردوینچا { (واصوویک) لواسنده

ذکر اولسان تلغراف مراکزینی یکدیگرینه ربط ایدن
 خطوط تلغرافیّه (۶۵۰) کیلومتره طولنده در . هر تلغراف
 مرکزی پوسته خانه خدمتی ده ایفا ایدر.





احوال عسکریه

۱

ترتیبات حضریه

۱ - خدمت عسکریه .

قره طاغده الی سلاح طوته بیان هر ارکک عسکر در و محاربه یه کیدر : فقط نظاماً خدمت عسکریه هر شخصک ۱۸ ونادراً ۱۷ یاشندن باشلایوب ۵۸ و نهایت ۶۰ سنه قدر دوام ایتک اوزره تقریباً ۴۰ سنه در . اشبو ۴۰ سنه دن عبارت اولان خدمت عسکریه مدتی باشلیجه ایکی دوره تقسیم اولنوب برنجی دوره ۲۰ دن ۴۰ ، و ایکنجی دوره ۱۷ دن ۲۸ و ۴۰ دن ۶۰ یاشنه قدر اولان افراد داخلدر . زمان سفرده برنجی .

دوره منسوب اولان افراددن (موظف اردو) و ایکنجی دوره
عائد اولان دهـا مسن ویا پك كنج اولان افراددن دخی
(احتیاط اردو) تشکیل اولنور .

۴ — تعلیم قادرولری وقوة حضریه .

قره طاغده ، اسویچرده اولدیغی کبی ملیس اصولی جاری
اولدیغندن وقت حضرده [چتینهده پرنسك معیتی تشکیل ایدن
۳۲ کشیدن [*] ماعدا] سلاح آلتنده اردو بولندیرلمیورسده

[*] (پریانیک) یعنی صورغوجلی تعبیر اولنور بهری ۳۲ موجوده
مالك ایکی معیت پیاده طاقی موجود اولوب هر آی بری سلاح آلتنه آلتق
صورتیه سرای پرنسی خدماتی مناوبه ایله ایفا ایدرلر . نوبتی طاقنك
نصفی اولان ۱۶ نفر وقت حضرده سرای داخلنده آیاق خدماتنده و امر
چاوشلغی امورنده و نصف دیگر ی سرای خارجنده نوبت محالرنده محال
فطلق وظیفه سننده استخدام اولنور . بوصکره کیلر (غار دیست) یعنی محافظه
نامیه یاد ایدیلر ك ایچ پریانیکلرندن تفریق اولنور لر سده کسوه و مخصوصاتجه
فرقلری یوقدر . سلاح آلتنده بولنمیان طاقم افرادی یالکیز معاش آلهرق
استراحت ایدرلر . پریانیکلر پرنس ویا عائله سنندن هر هانکی بر کیسه
سیاحت و تنزهه کیتدکلری زمانده سواری اولهرق معیتلرنده بولنورلر .
افرادی جمعاً ۶۴ بالغ اولان بو ایکی طاقه اوتهدنبری قره طاغك اورته
اهالیسنندن اولوبده فوق العاده یر اراق کوسترمش و محاربته اظهار شجا
عت ایتش اولانلر قبول ایدلکارندن بوقطعه ممتازیه منسوبیت بین الحلق
برشرف مخصوصدر . پرنسك سیر و سفرلری اشناسنده پریانیکلر آتلی
اولهرق كندوسنی تعقیب مجبوریتنده بولنلرندن دولایی ۱۸۹۱ ده
پرنس نیقولانك واقع اولان رجا و التماسلری اوزرینه سواری معلمی
صفقیله برضا بط [میر آلا ی توفیق بك] ورفاقتنده ایکی چاوشك (چتینه) یه
اعزاملرینه اراده لطفاً جناب شهنشاهی عاطفت افزای سنوح و صدور

اوپچ درت سنه دبری [۱۸۹۶] آوروپا تعلیم و تربیه عسکریه سندن خاقله جسور و محارب اولان قره طاغیلری مستفید قیلمق و قابلیت فطریه لرینه برده ترقیات و تجددات فیه ایله نظام و انتظامی ضم و علاوه ایلمک ایچون - قادروسی صورت دائمده سلاح آلتنده بولمق اوزرجه بر پیاده تعلیم طابوری ایله برطونجی تعلیم بطریقه سی احداث و تشکیل اولمشدر.

پیاده طابورنده صورت دائمده :

۱ بیکباشی

۱ قول آغاسی

۴ یوز باشی

۱۰ ملازم [سکزی طاقم قوماندانی، بری یاور،

بری ده اداره مأموری]

۶۰ کوچک ضابط [۵]

بیوریش ومومی الیهم وداعتیله احسان همایون شهریارى اوله رق مکمل (۳۲) اکر طاقیله اولقدر سواری قلجی و (وینجستر فلنطه سی) دخی ارسال ایدیش ایدی . پرانیکلرک ایکی طاقی بالناوبه ایکی اوچ سنه بینجیلک تعلیمی کورمش و تسلیحاتجه تفنک و طابعه دن فضله اوله رق عساکر عثمانیه افرادینه مخصوص مذکور قلجی طاشیملری ده شمدی اصول اتخاذا قلمشدر.

[۵] پیاده طابورنده کی ۱۶ ضابط ایستالیا مکاتب عسکریه سنده [اوچی مکتب حربیه ده ماعدایی کوچک ضابطان مکتبده] اکمال تحصیل ایتیش قره طاغیلردر . ۶۰ کوچک ضابط ایسه وظیفه لرینه ابتدار ایتزدن اول پودغوریچده بو ضابطانک نظارت و تدریس آلتنده عملی نظری درس کورمشلردر.

موجود اولوب بطریقه ده ایسه :

- ۱ بیکباشی [تورینو مکتبندن مخرج]
- ۲ کوچک ضابط [کذا ایتالیاده تحصیل کورمش]
- ۱۴ معلم نفر
- ۴ طوب بولمقده در .

هرسنة ۲۵ یاشنی اکمال ایدن نفوس ذکور اشبو تعایم
قادر ولرینه اعطا ایدیلرک تربیه اولمقده درلر :

۱۸۹۶ سنه سنده ۱۳۰۰ کشی یه بالغ اولان ۲۵ یاشلرنده کی
افراددن ۱۲۰۰ ی پیاده و ۱۰۰ قدری طوپچی یه تفریق
اولوب پیاده طابوری پیاده آریلان افرادک اولان نصفی
نیسان ایتداسندن تموز نهایتیه قدر درت ماه و بعد نصف دیگرینی ده
آغستوس ایتداسندن اعتباراً تشرین ثانی غایه سنه قدر کذا
درت ماه تعایم و تربیه ایتدکدن صکره مملکتلرینه اعزام ایتمش
وقیشک شدتلی زمانی اولان درت آی ظرفنده ایسه یالکیز قادرولر
محافظه اولنهرق افراد سلاح آلتنده بولندیرلماش ایدی.

طوپچی طاقمی هرسنه کنده سنه ویریلان ۱۰۰ نفری یالکیز
نیسان ایتداسندن ایلول غایه سنه قدر آلتی ماه مدت ایچنده مطلوب
وجه ایله یتیشدیره جک ایدی [*] . ۱۸۹۷ سنه سنده یکر می

[*] ۱۸۹۸ سنه سنده ایلاک دفعه اوله رق تشکل ایدن تعلیم بطریقه.
سی سنه مذکور نیسانی ایتداسندن ایلولی نهایتیه قدر ۶۰ کشی یی
تعلیم و تربیه ایدی.

یش یانسه واصل اولان افراد ۱۵۰۰ ه بالغ اولدی . ایدیان
حسابه کوره بومقدار ۱۹۰۲ سنه سنه قدر ۱۸۰۰ کشی یه ترنع
ایده جکدر . افرادك اشبو تزايدن طولای پرنس تعلیم و تربیه
دورلرینی ایکیدن [قیش موسمنی ده بردور عد ایده رك] اوچه
ابلاغ ایتدی .

بناءً علیه اليوم داخل اسنان اولان افراد میاننده طوپیچی
ایچون نفریق اولنان ۶۰ : ۸۰ کشی آیرلقدنصکره متباقی قالان
افراد اوچه تقسیم اولمقده و هر بر قسم دردر آیلق بر تعلیمه
جلب ایدلمکده در .

بووجه ایله تعلیم و تربیه کورمش اولان افراد مملکته
عودتله اقامتگاهی هانکی لوا و طابور [ترتیبات سفریه یه
مراجعت] دائره سی داخلنده ایسه اوقطعه نك افرادینی تشکیل
ایتمک اوزره ایش و کوچیله اشتغاله باشلار .

۳ — بودجه .

قره طاغده هر سنه صورت رسمیه ده بودجه نك اعلان
اولدینی و حتی ترتیب ایدلیدیکی بیله یوقایسه ده تقریباً وارداتی
۷۰۰ بیك فیلورین [ه] و مصارفاتی دخی بوکا قریب بر مقدارده
اولدینی مرویدر . مصارفاتك تفرعات و تفصیلات سائره سی
اجانبجه یكده معلوم اولمیوب یالکیز پرنسك تخمیناً بیله مصا -
رفات حربیه سی بروجیه آتیدر :

[ه] آوستریانك مسکوکات قديمه - نندن اولان فیلورین (اون غروش)

قیمتنددر .

پرنسك تخصیصاتی ۱۰۰۰۰۰ فیلورین
 ملیس اردوسنك مصارفی ۱۵۰۰۰۰ »
 تعلیم قادرولرینك ۱۲۰۰۰۰ »
 دیون عمومیه سی اولکی سنه ۹۶۰۰۰۰ فیلورین راده سندم
 ایدی . بوگونلرده عقدایتدیگی اوفق تفك بعض استقراضلری
 مبلغ مذکوره علاوه ایتك اقتضا ایدر . [*]

۵ — امر و قوماندا و هیئت ضابطان .

اردونك باش قوماندانی پرنس (نیقولا) [نیکیتا] در .
 تعلیم قادرولرینك قوماندانی پرنس (دانیلو) [دانیل] اولوب
 حربیه ناظرلنی وظیفه سینی ده بلا فاصله ۱۸۷۸ سنه سندنبری
 وویووده (ایلیا پلامه ناچ) ایفا ایتمکده در . ارکان حربیه ، لوازم ،
 اداره و سائر هیئتلری موجود اولیوب وقت حضرده یالکز ۸
 پیاده و برطوبچی لواقوماندانلنی [*] و ۵۸ طابور و بونلرك حاوی
 [*] بانق عثمانی و آوستریاده بولنان لندر بانق قره طاغك بللی
 باشلی داینلرنددر .

[**] پیاده لوا قوماندانلری :

برنجی لوا قوماندانی : وویووده ج . پتروویچ نیه غوش [پرنسك
 عموچه زاده سی]

ایکنجی » » : وویووده م . جوروویچ
 اوچنجی » » : م . وویچینیچ
 دردنجی » » : وویووده ل . صوچیتسا
 بشنجی » » : وویووده و . ایوانوویچ

اولدینی بلوکلر عددنجه [۳۰۰ ی متجاوز] بلوک قومانلری بولمقدردر . قره طاغده انئی حربده ضابطک وظیفه سنی ایفایه قادر الیوم مختلف رتبه لری حائر ۷۵۰ کشی بولمقدردر اولوب بومقدار ایسه عمومی بر سفر برلکده قره طاغجه تصور ایدیان تشکیلاته کفایت ایدمک درجه ددر . ضابطک متممی اولان بیر اقدار لر دخی بومیانه ادخال ایدمک لازمکلور ، چونکه یاشجاعت فوق العاده لر دن و یا خود اصالت لر دن دولای بورتبه بی احراز ایلمستدر .

ذکر اولنان ضابطان آره سنده ممالک اجنبیه ده [روسیه ، فرانسه ، ایتالیا ، صربیه ، آوستریاده] [۱۰] تحصیل کورمش

آلتنجی لوا قوماندانی : سردار م . ولاخوویچ

یدنجی » » : م . جوراشکوویچ

سکزنجی » » : لاکسچ وویوودویچ [حدود قومیسری]

طوپچی » » : ی . مارتینوویچ

[۱۰] ممالک شاهانه ده بری مهندس خانه بری همایون استحکام

صنفتده دیکری حربیه شاهانه اوچنجی صنفده اولق اوزره ایکی قره طاغلی طلبه واردر . ممالک سائر اجنبیه ده صورت جدیده تحصیل کورمش قره طاغلیلردن باشلوجه لری شونلردر :

باش وکیل وویووده (بوژو) فرانسه ده سن سیر مکتبنده ؛

مالیه ناظری (ن . ماتانوویچ) کذا ؛

طوپچی لواسی قوماندانی (ی . مارتینوویچ) آوستریاده [بروقت

شرقی روم ایلیده ضبطیه یوز باشیمی ایدی] ؛

حربیه نظارتنده نظارت قلمی مدیری اولان بیکبائی کذا آوستریاده ؛

پیاده تعلیم طابوری قوماندانی ایتالیاده ؛

اولانلری تقریباً ۵۰ کشتی قدردر . ماعداسی داخل مملکتده ضابط اوله بیلیمک ایچون ایجاب ایدن اوصافی حائر و بردرجه قدر عملی صورتده ایفای وظیفه قدردر .

طابور و بلوک قوماندانلرینک قسمی اعظمی تجربه حربهیه مالیدرلر . محاربهده بولنماش اولان کنجلر دخی همان هر سنه وقوعبولمقده اولان حدود نوازعاتندن طولای آچوق تجربه لر کوره بیلیمکده درلر .

ضابطانک ترفیع رتبه لر بالذات پرنسک رأی و قرار یله در . اهلینک ایلرو کلنلرندن و مرعی الحاطر و بناء علیه احتجاب املاک و اراضی طاقندن انتخاب و تعیین اولدقلری جهته معاشلری پک آذر . سنوی لوا قوماندانلری ۵۰۰ [یعنی شهریه ۴۰۰ غروش] طابور قومانلری ۱۵۰ و سائر ضابطان ایسه ۵۰ فیلورین آلیورلر . یاقین وقتلره کانجیه قدر بیکباشیلرله مادونلری معاش آلیورلردی ؛ فقط بوضابطانک اکثریسی محاربات سالفهده ابراز شجاعت ایتمش طاقندن اولدقلرندن شمیدیلرده هر برینه و حتی بورزنلره و بالخاصه ارباب جسامارتدن اولان بیراقدارلره بیه درت تقسیط ایله پک جزئی برماش سنوی ویرلمکده در .

معاشات مذکوره واقعا پک آزمققدارده ایسه ده منسوبین

طوپچی تعلیم بطریقه سی قوماندانی کذا ؛

پریانیک طاققلرینک » کذا ؛

استحکام و انشاآت رئیسکنی ایفا ایدن پرنسک یاوری کذا ؛

وسائر .

عسکرینک هویتلرینی اظهاره مدار اوله بیله جکی مطالعه سیله
تخصیص ایدلمش اولدیغنه وزیاده سیچون ایسه مملکتک منابع
تروتی غیر مساعد ایدوکنه شبهه یوقدر .

حربییه نظری ، طویجی قوماندانی ویاورلک کی خدماتده
بولنان ضابطاندن بشقه بالنسبه دولغون معاش آلانلر عسکری
قوماندانلیقه برابر عین زمانده برده مالیکه مأموریتی وظیفه سنی
ایفا ایدنلردر . یکی تشکیل اولنان تعلیم قادرو لرینه مخصوص
ضابطانه بدرجه یه قدر یوکسک معاشله تخصیص اولمشدر .

شهریه بیکباشی ۱۲۰ فیلورین [۱۲۰۰ غروش] یوزباشیلرک
۹۰ ، ملازملرک ۸۰ ، طاقم ضابطانک اسکان واعاشه مصرفلرندن
بشقه ۱۰ فیلورین ، آیلقلری وارددر . وقتیه مملکته ایفای حسن
خدمت ایتمش اولان اختیار ضابطانه جزئی بر تخصیصات ویرلدیکی
کی بعضاً مختلف ظهورات و بهانه لرله اعانات نقدیه ده بولنلمقده در .



ترتیبات سفریه

۱ - تقسیمات عسکریه .

قره طاغ اراضیسی عین زمانده اداره ملکیه یه ده توافق ایتک اوزره ۹ لوا دائره سنه تقسیم اولمش و هرلوا ، دائره لری داخلنده مسکون قبائل قدیمه نك اليوم تشکیل ایتدکلری (پلامه نا) تعیر اولنان نواحینك عدد و وضعیتلرینه کوره ، مختلف مقدارده طابورلره ایرلمشدر [ه] . لوالرده طابورلرک عددی ۴ : ۹ آره سنده و طابورلرک بلوکلری ۵ : ۱۱ بینده تبدیل و تحول ایدر .

مذکور لوالرک مرکز لری ایله جامع اولدقلری طابورلرک عددی بروجه آتیدر :

اسامی	مرکز لری	حاوی اولدقلری طابورلرک عددی
خاصه لواسی	چتینه	۶ [**]
برنجی لوا (قائونسقا)	نیه غوش	۷

[*] ۱۸۷۷ محاربه سندن صکره مملکت ، هربری ۶ طابور مالک ه لوا دائره سنه تقسیم اولمشدی . بعده ۱۸۹۰ ده لوالرک عددی «۸» ه و طابورلرکی ده «۴۳» ه [۳۱ سی مرطف اردوده و ۱۲ سی احتیاط اردوده] و تدریجاً ۴۹ نهایت «۸ د» ه ابلاغ اولندی .
 [**] ۱۸۹۹ سنه سنده علاوه تشکیل ایدلمشدر .

اسامی مرکز لری حاوی اولدقلری طابورلرک عددی
 ایکنجی لوا (چرم یچقا) ویر بازار ۷ [بری مسلمان طابوری] [۰]
 اوچنجی لوا (بردیسقا) اشپوزی ۷
 دردنجی لوا (پیوسقا) غورانسقا ۹
 بشنجی لوا (زده تسقا) مدون ۷ [بری مسلمان طابوری] [۰]
 التنجی لوا (موراچقا) قولاشین ۶
 یدنجی لوا (بریمورسقا) اولکون ۴ [ایکیسی مسلمان طابوری] [۰]
 سکزنجی لوا (واصوویچقا) آندره ویچه ۵

جمعا سکز لوا و ۵۸ طابوردر

۲ - جزء تام قوتلری.

زمان سفرده بر طابورک موجود اصغریسی ۵۰۰ و

[۰] قره طاغده ساکن مسلمانلر، خرسیتیانلرله قاریشدیرلیه رق آیری طابورلرده اجتماع ایتدیرلرکاردن (قرانیه) اسلاملری ایکنجی (چرمینچا) لواسنک و (بودغوریچه) اهل اسلامی بشنجی (زده تا) لواسنک برر طابورینی و (بار) ایله (اولکون) مسلمانلری ده یدنجی (ساحل) لواسنک ایکی طابورینی تشکیل ایتکده، (نیقشیک) ایله (قولاشین) و (اشپوزی) قصبه لرنده قالانلرله (پیوا) ده کیلر اقلیت مقدارلرینه مبنی تماماً بر بلوکه کفایت ایده جک قدر اولدقلرندن منسوب اولدقلری طابورلرده انجق برر طاقم هیئتنده درلر. بونکله برابر مسلمانلر هر سنه (۷) فیلورین [یعنی ۷۰ غروش] دن عبارت بر بدل نقدی اعطاسیله عسکرلک قیدندن عفو و اطلاق اولنورلر.

اعظمیسی ۱۲۰۰ و بر بلوگک ایسه اصغری ۱۰۰ و اعظمی ۲۰۰ کشیدن عبارتدر .

لوالر (بریغادیر - Brigadier) نامیله و (جنرال) اعتبا - رنده بر قوماندانك زیر اداره و نظارتنددر . هر برینك امور تحریری و اجرائیه سیچون (آدیوتانت - Adyoutant) نامیله (قول آغاسی) اعتبارنده ایکیشر یاوری واردر .

(باتالیون) تسمیه اولئان هر طابور (قوماندیر - Komandir) نامیله بر طابور قوماندانی یعنی (بیکباشی) نك قوماندسینه مودوع اولوب بونلر كده (بودقوماندیر - Podcomandir) تسمیه اولنور برر معاونی [یعنی قول آغاسیسی] موجوددر .

قدیماً (چته) دینلان بلوكلره ایوم یوزلی معناسنه (صوتیا) تسمیه اولنوب (قاپیتان - Kapitan) دینلان یوزباشی قوماندان - سنددر . ملازملره (اوفیتسیر) یعنی ضابط تعیر اولنوب هر بلوكله ایکیشر کشی بولنور .

هرلوا و طابورك برر بایراقدار ی بولندینی کبی هر بلوكله بولان بایراقدارلر دخی نوعما (ضابط معاونی) یعنی ملازم وظیفه سنی ایفا ایدرلر .

بطریه لری (قوماندیر) یعنی بیکباشیلر قوماندان ایدوب ایکی طوپدن مرکب بر طاقك بر قاپیتانیله بر اوفیتسیری بولنور ؛ بناءً علیه طوپچینك قوماندیر معاونی ایله بایراقدار ی بولمدریغندن آیروجه بر قاپیتان ، قوماندیر معاونی مقامنده سوق و اداره خدمتلیرینه مأمورددر .

کوچک ضابطانه کانبجه (وودنیک) یعنی قلاغوز دینلان
 چاوشلر و (ددهسه چار) تسمیه اولنان اونباشیلر موجوددر.
 وقت حضره افراد مملکتلرنده ایش وکوجلریله مشغول
 اولمق اوزره مأذون اولوب یالکیز آتیده ذکر اولنان قادره لر
 محافظه اولنور و بوکا داخل اولان ضابطان کندی قطعهرینه
 مرکز اتخاذا اولنان مواقعه بولنورلر .
 برپیاده بلوکیک [صوتینا ویاچته نک] هیئت ضابطان
 وکوچک ضابطانی :

۱ قایتان [بلوک قوماندانی]

۱ اوفیتسیر [طاقم قوماندانی]

۵ وودینک [چاوش]

۱۰ ددهسه چار [اونباشی]

۱ بایراقدار

برطابورک [باتالیون] ارکانی ایسه :

۱ قوماندیر [بیکباشی]

۱ بودقوماندیر [قول آغاسی]

۱ تروباچ [بوزیزن]

۱ بایراقدار

لوانک [بریغاد] ارکانی دخی :

۱ بریغادیر [لوا قوماندانی]

۲ آدیوتانت [قول آغاسی]

۱ بایراقدار

دن عبارتدر .


جزء تاملر ك قره طاغ خیلر جه اساسی عددو اعتبار اولان بلك تشكیلات و ترتیبات
سفریه سی وجه آتی اوزرده در :

ملاحظات												قطعات		
۹۰	۲	۱	۲	۸۷	۱	۱	۱	۴	۸	۷۲	دون موجودی پیاده بلوک وسط موجودی پیاده بلوک طولقون موجودی پیاده بلوک	جبل	بطلریه	
۱۳۰	۲	۱	۲	۱۲۷	۱	۱	۱	۴	۱۲	۱۰۸				
۱۷۰	۲	۱	۲	۱۶۷	۱	۱	۱	۴	۱۶	۱۴۴				
۸۰	۴	۱	۲	۷۶	۲	۱	۱	۷	۶	۶۰				
۱۱۸	۸	۱	۴	۱۱۰	۲	۱	۱	۷	۶	۹۴		صحرا		
آتی طایغ طولقون مس کبدرو														
آتی طایغ طولقون مس کبدرو														
آتی طایغ طولقون مس کبدرو														

لوحية

نشان اوقاف ايرانيان

قره طابع و امير قاسم



۴ — تعلیم لر .

هر بلوک قوماندانی کندی بلوکی افرادی سنده بر دفعه صوک بهار موسمنده ۱۰ کون قدر و طابور قوماندانی طابورینی ایکی کون قدر بر مدت ایچون جمع ایدوب تعلیم و مانوره یایدیرر . طابور دن دهاجسیم قطعاتک جلب و جمعی امر پر نسیله اولوب بوده اکثریتله ایام مخصوصه یه تصادف ایتدیر یلور . طوبخیلرده کذا سنده ۱۰ کون تعلیم ایدر و بومدتک ختامنده آتش تعلیمی اجرا ایتدکاری کبی ایام مخصوصه ملیهده دخی طوب آتمق فرصتدن استفاده ایدر لر .

واقما تعلیم لر ایچون بویه برقرار ویرلمش ایهده هیج بر وقت موقع فعله قونلدیغی یوقدر . شو قدر که هوانک مساعد اولدیغی بازار کونلرنده بلوکلر — وبالخاصه هر طابورک مرکز بلوکی — سلاح استعمال ایده جک قدر بر تعلیم یاپار لر . طوبخی به کلنجه طوپلر دائماً دبویلرده بولندیغی ایچون افرادی تعلیمدن هان کلیاً محرومدر . نادراً پرنس بالذات بولنه رق بر مقدار آتش تعلیمی اجرا ایتدیرر .



۳

* سفر برلك *

۱ — قوه سفريه .

وقتيه ۱۸۷۵ سنه سی سفر برلكنده قره طاغك قوه
عموميه سی ۲۴۰۰۰ وسنه آتیه ده سفر ك اك بحرانلی زماننده
دخی قوه عمومیه حربیه سی ۳۰۰۰۰ [وهرسكدن التحاق ایدن
بعض كوكلیلرده ضم اولنه جق اولورسه ۳۵۰۰۰] كشیدن
عبارتدی .

۱۸۹۵ سنه سنده ۲۸۳ بلوکی جامع اولان ۴۹ طابورك
قوه عمومیه سی — ایدیلن برتعدادك نتیجه سنده — ۳۵۵۴۸
كشی اولدیغی تبین ایتمش و ۱۸۹۷ سنه سنده ۵۲ طابورك
موجودی ۳۷۲۵۰ [بو عدد ایچنده ۲۵۰۰ مسلمان و ۲۲۸۰
قتولك وارایدی] نفره بالغ اولمشدی . بوكونکی كونده ایسه
مقدار مذكورك ۴۳۵۰۰ [بونلر میاننده ۳۵۰۰ مسلمان و
۲۵۰۰ قتولك اولوب متباقی ۳۷۵۰۰۰ نفری اورتودوقسدر]
راده سنده اولدیغی قره طاغلیرك روایتلنددر ؛ فقط طاغلیرك
دهاایلیریه واران مدعیلرینك روایتلرینه باقیلهرق ویا تخمینلرینه
اعتماد اولنه رق مذكور قوتی ۵۵۰۰۰ كشییه قدر چوغالمق
اقتضا ایدرسده منابع مختلفه دن آلمان معلومات متنوعه و متعدد

ارباب تدقیقک تخمینات واقعه و تقدیرات بیطرفانه سی همان بر نقطه ده اتحاد ایدیور که . اوده : قره طاعنک عمومی بر سفر برلکده میدانه چیقاره بیله جکی قوتک اصغری ۴۰ و اعظمی ۴۵ بیک کشیدن عبارت اولسیدر [۵] . اشبو قونک ۳۰ : ۳۲ بیکی موظف اردوده و ۱۰ : ۱۳ بیکی ده احتیاط اردوده بولنه جقدر . موظف اردو، داخل ویا خارج مملکتده تدافعی و تعرضی هر نوع حرکات حربیه ده، احتیاط اردو اغلب احتمال کوره یالکیز داخل مملکتده و ایکنجی درجه ده حائز اهمیت اولان حرکانه استیخدام اولنه جقدر .

موظف اردو باشلیجه پیاده و طوپچی صنفلرندن مرکب طقوز مختاط لواندن وجوده کله جقدر لوالردن بهرینک قوتی ۴ : ۹ پیاده طابورندن [اولکی ماده لره مراجعت] و دردی

[۵] ۱۸۹۵ سنه سنده لوندرده ده (هاریسون و اوغللری) مطبعه - سنده انکلیر لسانیه طبع ایدیلن یوزباشی (فایر هولم) ایله یوز باشی (غلائخن) ک مشترکاً تحریر ایتدکلری اثرده قره طاعن قوه سفریه سی شوقدر تخمین ایدلشدر:

سکنز پیاده لواسی (برنجی صنف افراد) (اردوی موظف) ۲۸۰۰۰ کشی
 « (ایکنجی صنف افراد) (اردوی احتیاط) ۱۲۰۰۰

طوپچی ۱۰۰۰

معیت افرادی (پریانیکار) ۱۰۰

حربیه نظارتی و قرارگاهلر ۵۰

مأمورین و سائر ۱۳۰

جمعاً ۴۱۲۸۰

جبل ایکیسی پیاده اولمق اوزره ۶ طویلی بر صحرا بطریه سندن عبارتدر .

۴ — سفر برلك مدتی

بر نسلکک وسعتجه کوچک اولمسی واهالیسنک تمایلات حرب جو یانه سی سببیه سفر برلك مدتی — وسائطک عدم مکملیتنه رغماً — غایت آذرر . ۱۸۸۷ ده هر سک حدودنده بر مسئله دن طولای سکز ساعت ظرفنده ۶۰۰۰ کشینک طویلا مسمی قابل اولمشدی ؛ فقط حدودک هر هانکی بر جهتده کافه قوتنک مکملاً ومنتظماً جمع وتحشیدی بش نهایت الی کونده اجرا اولنه بیلور . دول سائرده اولدینی کبی اعلان حربدن اول مسائل سیاسیهنک تأثیریه حدود قربنده قطعات جسیمه عسکریهنک سوق وتحشیدی — اعاشه وخصوصات متفرعه یی یولیه اجرا ایتمک ایچون ایجاب ایدن لوازم ، اداره وخدمات سائر تشکیلاتی موجود اولمدیغندن وخصوصیه قوه مالیه سی ده بوکا مساعده ایتمدیکندن طولای — قره طاغده عادت دکلدر . صورت عمومیه ده سفر برلك امری مخاصماته باشلانلمزدن جزئی زمان اول اعطا اولنور .

۴ — سفر برلك امرینک صورت اعطاسی

سفر برلك امری وعسکرک تجمع ایده جکی منطقه واسطه تلغرافله تلغراف مراکز ی بولسان موافقه [بالجمله لوا امرکز لریله

اون بش قدر طاہور مرکزلرینه [بیلدیریلور . بوموقعلردن
افراد اہالیہ غایت سادہ و سریع برطرزده اعلان اولور .
اوده وقت حضرده تقرر ایدوب باروله کبی بالجمله افرادک معلومی
اولان بوری ویاخود تفنک صداسنک مختلف صورتده تعدد
وتکررندن متحصل بر اشارتک استعمالندن عبارتدر .

تفنک ویاہوری سسیله ویریلان بو اشارتله ، اہالینک شمال
ویاشرق ویاخود جنوب حدودلرندن ہر ہانکیسندہ تجمع ایدہ جکئی
آن واحددہ اعلان ایدر . وقت حضرده ہر طاغلینک البسۃ
عسکریہ سی صرتندہ روولوری بلندہ ، تفنکی خانہ سنک دیوارندہ
وسائرہ تجهیزات وجہ خانہ سی یانندہ اولدیغندن (چتینہ) دن
سفر برلک امرینک اعطاسندن برایکی ساعت صوکرہ اہالی
آقین آقین دوچار تعرض اولان حدودہ طوغری حرکتہ باشلارلر .
طاہور قوماندانلری بایراقدار و بوزنی و طوپلانہ بیلدیکی قدر
افراد ی برابرینہ آلہرق کندیسندہ کوسترلمش اولان منطقہ یہ
طوغری حرکت ایدر . طاہورک سائر افراد ی یولده ونہایت
تجمع منطقہ سندہ معیتہ التحاق ایدہ رک طاہوری وجودہ
کتیریر .

ایشتہ بوسایہ دہ قرہ طاغیلر حدودلرینک ہر ہانکی بر نقطہ .
سنہ ۲۴ ساعت عقبندہ قوۃ عسکریہ لرندن ۲۰۰۰۰ قدرینی
جلب وجمع ایدہ بیللمک سہولتی قزانمشلردر .

ج — تدارکات سفریه و معاینه لر

وقت حضرده کی تدارکات سفریه بروجه آتیدر : جزئی اولان تجهیزات حربیه یعنی طویچی مالز مه سی [۴] پیاده و طویچی جیبخانه سی، محتمل اولان احوال و مواضع حربیه کوره تأسیس ایدلمش و مکملیتنه هردائم اعتنا اولمش اولان دیولرده محفوظدر .

مملکتک منقسم اولدینی ۸۶ ناحیه رؤسای سییاز اردویه عائد و خدمته مقتدر اولان افراد ی تمامیه طانیغه وانلرک اسایحه و تجهیزات ی [تفنک ، روولودر ، جیبخانه ، طوربه ، قاپوت ، وایکی چیفت چاریقلرینی] وقت وقت معاینه و یوقلمه یه وهر آی کرک افرادک موجودنجه کرکسه حرب حاضر لغنجه حصوله کان تبدلاتی لوا قوماندانه بیلدیرمکه مجبوردرلر .

آیروجه هر سنه عمومی برمعاینه ده یایلمقدهدر . بوده روز قاسمی متعاقب هوالرک ایملک بوزلدینی برمدت ظرفنده و هر حالده خلقک ایشسز کوجسز قالدینی بر اثناده اجرا ایدیلور . بومعاینه ره عمل ماندکان دفتر عسکریدن چیقاریلور . بونلردن آلنان تفنکلر دفتره ادخال ایدیله جک اولان کنجلره ویریلور . بوصورتله لوالرک نظارتنده اوله رق قید و اخراج معاملات ی ایفا

[۴] زمان حضرده تفنکلرک و زوولودرلرک قسم اعظمی آتیده ذکر اولانه جفی وجه ایله افرادک یدندهدر .

ایدلکدنصکره دفترلر حربیه نظارتنه کوندریله رک یوقلمه معا -
 ملاتنه همه حال میلادعیسی یورطیلرندن اول نهایت ویریلور .
 الحاصل افراد اهالی دن طوغری دن طوغری یه خدمت
 عسکریه ایله مکلف اولانلر کندی سلاخلری نی و تجهیزاتلری نی
 صورت متمادیه ده ایی برحالد بولندیرمغه و بر بوری اشارتی ویا
 تنک صداسیله کنیدی لرینه بیلدیریله جک اولان دعوته هر آن
 وزمان حاضر بولمغه مجبوردرلر .



۴

❦ اسلحهٔ حربیه مهمات ناریه و مواد سائرہ ❦

۱ — اسلحهٔ خفیفه

قره طاغ ۱۸۷۶ محاربه سی اثناسنده برنجی دور افرادینه
مخصوص اوله رق ۱۲۰۰۰ (قرینقا) ۵۰۰۰ (ورندل) و
(وه نچل) تفنکنه مالک اولوب ایکنجی دور افرادینده آغزدن
دولار پک عادی تفنکارله تجهیزه مجبور اولمشدی. [آریجه
افرادہ برر روولور ویا طبانجه و برردہ یتاغان] ویرلمشدی.
۱۸۸۵ سنه سندیری آوستریانک (ورندل) [جزئی برفیئات
مقابلنده مبایعه ایدرک] و ۱۸۹۵ سنه سندن اعتباراً دخی
روسیه نک (بردان) تفنکنه هدیةٔ مالک اولدی و اخیراً
— ۱۸۹۸ ده — روسیه نک تکرار مع فشنگ [۲۰ میاں]
اهداییدیکی «۳۰۰۰۰» عدد ۷,۶۲ میلتره چاپنده مکرر
آتشی [رہ پیرقا یا خود موسقونقا نامندہ کی] تفنکله الیوم
قره طاغک اسلحهٔ خفیفه سی تخمیناً آتیدہ کی مقدارہ بالغ اولمشدر:

عدد

۷,۶۲	میلتره چاپنده مکرر آتشی روس پیاده تفنکی	۳۰۰۰۰
۱۱	میلتره چاپنده ایکی نومرولی بردان تفنکی	۳۵۰۰۰
۱۱	» » ورنندل تفنکی	۲۰۰۰۰

[*] الیوم د بویلرده ۶۰۰۰ قدر یتاغان موجوددر.

۲۰۰۰۰	{	۶۰۰۰	شنايدر
		۷۷۵	مارتين
		۸۰۰۰	قرينهنا
		۶۰۰۰	مينيا قره بينايى
			ودنچل [۰] ورده مينغتون وسائر مودللرده
			مختلف النوع اسلحه عتيقه
<hr/>			جمعاً
۱۰۵۰۰۰			

روولودر [غاسسر سيستمنده] [۰۰]
 اسلحه خفيه مذکوردهن مکرر آتشلى تفنگه نسبت کندو-
 لرندن برخدمت بکله نيالان ۲ نومرولى بردان وورندل تفنگلر-
 ينک خواص بالسيتيقلرى وقيمت حربيه لرينى بيلديرن سائر
 معلومات عديده لرى بروجہ آتى يازلدى :

مکرر آتشلى تفنگ ۲ نومرولى بردان تفنگى وورندل تفنگى			
چاپ	(ميلتره)	۷,۶۲	۱۰,۶۶ ۱۱
يو	(عدد)	۴	۶ ۶
تفنگك طولى	بلا سونكى (متره)	۱,۲۹۰	۱,۳۶۰ ۱,۲۸۱
	مع سونكى (متره)	۱,۷۳۰	۱,۸۷۵ ۱,۷۴۹
تفنگك ثقلى	بلا سونكى (كيلوغرام)	۳,۹۹۰	۴,۳۵۰ ۴,۲
	مع سونكى (كيلوغرام)	۴,۳۰۰	۴,۸۰۰ ۴,۷

[۰] مقدارى اون بيكى تجاوز ايدن وهنچل تفنگلرينى مباني عاليه
 ودينه حويليرى اطرفنه ياپيلان پرمقفلرده قوللانهرق الدن چيقارمقده درم-
 [۰۰] اهالى به ۱۵۵ غروش مقابلنده تسليم ايدلمكده درم.

۴۲,۵	۴۲,۲۵	۲۴	فشنكك ثقاتی (گرام)
۲۴	۲۴,۱	۱۳,۵	قووشونك ثقاتی (گرام)
۵	۵,۰۶	۲,۱۰	باروت حقّی (گرام)
سیاه	سیاه	دومانسز	باروتك جنسی
۴۳۸	۴۴۲	[۰] ۶۲۰	سرعت ابتدائیه (متره)
۱۵۷۵	[۱۰۰۰] ۱۰۶۵	[خطوه] ۲۰۰۰	نشانكاهك صوك تقسیماتی (متره)

۲ — اسلحهٔ ثقیله

قره طاغلیلر ۱۸۷۶ محاربه سنی صربیه دن هدیّه اعطا اولنان
 ۱۲ و آوستریادن ویریلن ۸ که جمعاً ۲۰ عدد اوچ فـونـدق
 آغز دن طولار جبل طوپلریله اجرا ایتشلردی . ۱۸۸۶ سنه -
 سنده قروپدن ۱۸ جبل و ۶ عدد صحرا طوپي آلدیغی کبی [**]
 کرک تاریخ مذکور دن مقدم کرکسه مؤخر اوله رق روسـیـه دن
 ومالك سائر دن هدیّه طریقله و مبايعه صورتیله بروجسه آتی
 انواع و آقسامی تحریر اولنان طوپلری ایدنمشلردر .

[*] مذکور تفنكك ۱,۸ ارتفاعنده فرض ایدیلن بره دف قائمه
 نظراً منطقهٔ مهالکـه سی ۵۰۰ متره مسافه ده ۲۵۴ ؛ ۱۰۰۰ متره مسا-
 فـه ده ایسه ۶۶ متره در .

[**] ۱۸۸۶ سنه سی صیفنده قره طاغه مذکور طوپلر ومالزمه سی
 [قوشوملری دخی واردی] ۳۳۳۴ صندوقه موضوع اولدیغی حالده
 مع طاره ۱۲۱۶۸۳ کیلوگرام ثقلنده مرهیات ایله برلکده کلش ایدی .

۱. جدید مالزمه :

عدد	
۶	۸,۷ سانتیمترهك قوروقدن دولار قروپكاری چلیك صحرا طوبی
۶.	۷,۵ سانتیمترهك قوروقدن دولار قروپكاری چلیك صحرا طوبی
۲	۹ فوندلق روس مودلی قوروقدن دولار صحرا طوبی
۱۸.	۷,۵ سانتیمترهك قوروقدن دولار قروپكاری چلیك جبل طوبی
۸.	۶,۵ سانتیمترهك قوروقدن دولار قروپكاری چلیك جبل طوبی [۰]
۶.	رەوولودر طوبی [خاتلینع مترالیوزی] [۰۰]
۱۲	۱۲ سانتیمترهك روس مودلی چلیك محاصره طوبی [۰۰۰]

۵۸

[۰] اشوجبل طوپلرندن آلتیسنه (قورفو طوبی) تسمیه ایدلمکده در.

[۰۰] روسیه طرفندن بردان تفنگلریله برابر ۱۸۹۵ سنه-سنده

ویرلشدر.

[۰۰۰] مذکور محاصره طوپلری اولکی سنه روسیه طرفندن اهدا

بولمشدر.

ب . عتیق مالز مه .

عدد	
۱	۷,۸۵ سانتیمتر دلك قویروقدن دولار چلیك عادی
	قروپ صحرا طوپی
۲	۴ فوندلق روس مودلی صحرا طوپی
۴	۱۲ فوندلق آغزین دولار (لاهیت) سیستمندم
	صحرا طوپی
۲	آغزین دولار انکلیز کاری صحرا طوپی
۱۰	قویروقدن دولار برودومل کاری جبل طوپی
۶	قویروقدن دولار غرانیه کاری جبل طوپی
۸	آغزین دولار جبل طوپی
۳۳	

جمعاً یکون مختلف نوع و چاپده اولان اشبو ۹۱ طوپدن
 بشقه ۴ عدد ۱۵ سانتیمتر دلك قیصه ابوس طوپیله ۱ عدد کذا
 ۱۵ سانتیمتر دلك جدید و دیگر ۲ عدد عتیق مودلده هوان طوپنه
 دها مالکدر .

جدید مالز مه میاننده مقید اولان ۲۶ جبل طوپنه عتیق
 مالز مه آره سنده ذکر ایدیان ۱۰ عدد قویروقدن دولار (برو-
 دودل) طوپی ضم ایدیلورسه قره طاعك بر محاربده ایشه یرار
 یرار بر حالده جمعاً :

عدد

۳۶ جبل :

۱۵ صحرا [اسکی مالز مده مقلد چلیک عادی قروب
طوبی ایلہ برابر] :

۶ مترالیوز :

۱۷ محاصره [۱۲ سانتیمتر دلک ۱۲ : ۱۵ سانتیمتر دلک ۵
عدد] :

طوپنه مالک اولدینی کوریلور. زمان سفردہ ہر پیادہ لواسنہ
بر سیار بطریہ اعطا قلوب متباقیسی اردویہ مربوطاً استعمال
اولنہ جقدر. برنجیدن آلتنجیہ قدر ہر لوانک بطریہ لری دودی
جبل و ایکسی صحرا اولہ رق جمعاً آلتی طوپدن ویدنچی ایلہ
سکرنچی لوارک بطریہ لری ایسہ یالکیز آلتی جبل طوپندن
مرکب اولق اوزرہ ترتیب ایدلمشدر. فضلہ قالان ۳ صحرا ،
۶ مترالیوز و ۱۷ محاصره طوپنہ اردو طوپجیسنی وجودہ
کثیرہ جکدر.

۳ - اسلحہ نک صورت توزیعی .

ذکر وتعداد اولان اسلحہ حربیہ دن ۳۰۰۰۰ مکرر آتشی
تفشک ۳۵۰۰۰ بردان تفشکی [بہری ایچون مع ۲۰ فشک] ہر
ایکسی دہ برنفرک یدندہ بولمق و بشیک فرق یالکیز اختیار لرلہ
ضعفایہ [بہرندہ بر بردان تفشکی] منحصر قالمق اوزرہ دہا
وقت حضرده ایکن اہالیہ توزیع ایدلمشدر . افراد متخبہ یہ

آیروجه ۱۵۰۰۰ رده وولور [بهریچون ۲۰ فشنک] ویرلمش ایسه ده
بدلارینی کندیلری تأدیه ایتمش اولدقلری ایچون ماللری صاییلور.
یالکیز نومروسى حکومتده مقید اولدیغیچون الدن چیقارده مامق
مجبوریتنه درلر.

متباقی اسلحه (اشپوزی)، (چتینه)، (لساندره)، (ژاباق)،
(نیقشیک)، (پودغوریچه)، (قولاشین) و (شاوینیک) ایله (چهءو)
ده کائن دبیولرده حفظ اولنمقده در. اهالییه توزیع اولنان تفنکلی
هر کس حسن حالده بولندرمغه و جیخانه سنی صرف ایلدکجه
کندی آقچه سیله مبیاعه ایدهرک حکومت طرفدن ویریلن مقدار
ری محافظه یه مجبوردر.

رده وولور طاشیمق امتیازینی حائز اولانلر سلاحلرینک
ایچنده اقلی اوچ فشنک بولندیرلر. آزه صره پرنس یولده تبعه
سندن ایستدیکنی طور دیره رق سلاحنک طهارتنه و دولی اولسنه
اعتنا ایتیانلری دوچار مجازات ایلر. قره طاغده مجازاتک الک
مؤثری برمدت معینه ظرفنده سلاح طاشیمقدن منع اولنمقدور.

ج — اعمالا تخانه لر.

قره طاغ پرنسلیکی قوموشوسی بولنان دولتلرله حرب ایدرکن
کاملاً محاصره ایدیلهرک ممالک اجنبیه ایله مواصلات و مناسباتنک
قطع ایدلمسی تهلیکه سنه معروض اولدیغندن وقتیه عادی اسلحه
ایچون مملکت داخلنده مهمات ناریه تدارکی و اسلحه تعمیراتی

ممکن برحاله افراغ ایلمشدی. (پودغوریچه)، (ردقا)، (چتینه) ده
 موجود اولان کوچک معامله لر منفرد آتشی تفنکاره مخصوص
 فشنگ اعمال ایتدکاری کبی (ردقا) ده صو ایله ایشلر بردستگاهده
 تفنگ و طبانجه و ممکن مرتبه طوپ ادواتی تعمیری قابلدرد. [۵]

۵ — حیوانات.

ائشای حربده طوپلرک جرونقلی و مهمات حربیه ایله احمال
 و اتقالک سوق و ارسالی خصوصنده استخدام ایدلمک اوزره
 لازمکلن حیواناتک داخل ممالکدن تدارکی قابلدرد. اکثریمی
 استر اولمق اوزره خدمت عسکریه یه الیریشلی ۲۵۰۰ الی ۳۰۰۰
 قدر حیوان موجوددر. بوندن بشقه قره طاغده پوسته اداره
 سنده بولمقده اولان قسم اعظمی مجاری الاصل ۱۲۰ قدر بار-
 کیر ائشای حضرده ایجاب ایتدکجه طوپچی خدمتمده قوللانلدیغی
 جهتله وقت سفرده بونلرک نصفی قدرندن اولسون استفاده
 قابلدرد.

۶ — صحیه.

قره طاغده صحیه عائد هیچ بر تشکیلات موجود اولیوب
 مالک اولدیغی صحیه مالزمه سی دخی ذکره شایان شیلر دکلدرد.
 یالکز ۱۸۹۶ سنه سنده روس صلیب احمر جمعیتله روس حربیه
 [۵] مکرر آتشی تفنکارک فشنگاری و طوپچی مریماتی طبیعی
 ممالک اجنبیه دن تدارک ایدلمکده در.

نظارتی مشترکاً ۲۵ یتاقه متعدد چادیر و تسکر دلری حاوی
و ایجابی قدر آلات جراحیه و سائرہ یی جامع اولق اوزره بر
صحیه طاقنی هدیه ایتشلردی که بونلرک الدہ قالہ بیلہ نی اسویچر دده
بولنان صلیب احمر جمعیت مرکزیه سنہ مزاجعتله اکمال و تعدیل
ایتدیر یلہرک مقداری ۳۶ یتاغہ ابلاغ ایدلمش و فضله اولہرق
آمبولانس چادیر و تسکر دلری جلب و تدارک ایدلمشدر. [۱۸۹۸]

۷ — نقلیه .

صنوف معاونہ دن اولان نقلیه صنفی ایچون دخی وقت
حضرده قره طاغده اساسلی بر تشکیلات موجود دکلدر. نقایه یه
عائد وظائفی یعنی زمان حربده اردونک احوال و ائقالتی ، ییه
جکینی و خصوصیلہ جبخانه سنی دیولردن آلہرق تا برنجی خطہ
قدر آرقہ لرندہ طاشیمق و مجروحینی مواقع مناسبہ یه نقل ایتک
خدمتی اوتہ دنبری قادینلر ایفا ایدرلر .



لوحۂ شہادت

نیشانیہ و اوسلاو لایہ شہادت

قرۂ طالع و لائبریری



غیرت مدالیہ سی
[یوزی و ترسی]

شجاعت مدالیہ سی ۱۸۹۱
[یوزی] خاطرہ مدالیہ سی ۱۸۹۲

خاندان پر نسی نشان

شجاعت مدالیہ سی ۱۸۹۱ [ترسی]
[ترسی] خاطرہ مدالیہ سی ۱۸۹۲

اوبلیق مدالیہ سی
[یوزی و ترسی]

اونیفورمه

(لوحه - ۱)

۱ - البسه

قره طاغیلرک وقت حضرده وزمان سفرده البسه عسکریه لری
البسه ملیه لیدر .

سرپوش ، (قاپا) ویا (قاپچا) دیدکلری سپرسز معهود
قره طاغ قالپاغیدر . قیرمزی چوخه دن معمول اسطوانه وی .
الشکلدر . محیطی سیاه صاتنه ستر ایدلمش ، آچیق براقیلان
تپه سنک برکنارینه صیرمه ایله بربری ایچنده دوت قوس و آنلرک
داخلنه پرنسک اسمنه دلالت ایتک اوزره اسلاوجه (H. I.)
[ن. ا. یعنی « برنجی نیقوللا »] اشارتی ایشلدلمشدر . بالذات پرنس
ومخدوملری بو اشارت یرینه (بش اوجللی) برکوکب ایشلدیرلر .
هرکسک اشبو سرپوشی اکسا ایلمسی نظاماً مجبوریدر ؛
فقط آتیده تعداد اولنان البسه آقسامی درجه ثروت ورتبه سنه
کوره خصوصیدر :

صرتلرینه کیدکلری اوللا (نیمتن) ویا (جامه دان) ؛ ثانیاً
(طولامه) یاخود (چبکن) ؛ ثالثاً (یلک) در .
(نیمتن) : کوکزرنگلی ، اینجه بیاض صیق چبوقلی (کیزی)

دن یاموقلی ، یلک ویا قه سیله کنارلری سیاه خرچ چوریلی اوله رق یاپیلور .

کوکسلی مائلاً بیچلمش اولدیغچون چاپراز واری قاوو - شوب کردن آلتندمه ثلثی بر آچیقلق قالیر .

(جامه دان) : قیرمزی چوخه دن عین نیتن بیچمنده ایسه ده یاقولسزدر ویا خود دوز قوللیدر . خر جلری سیاه غیطان و صاری صیرمه اولوب کوکس قسمنه تصادف ایدن ایشلمه نك اکی ۴ : ۱۰ سانتیمتره قدر در .

(طولامه) : قویو یشیل ویا بیاض چوخه دن ویا خود آق - عبادن اعمال اولنور . دیزه قدر بلی ستر ایدر ایسه ده کوکسی جامه دانك صیرمه لرینی قاپاماق ایچون ۲۰ سانتیمتره قدر آچیق اعمال ایدلمشدر . خر جلری سیاه غیطان ویا صاری صیرمه [یشیل رنگلیده قیرمزی غیطان] دندر .

(یلک) : قوشاقدن قیصه اولوب کاملاً قیرمزی چوخه دن معمول ایسه ده اوزری غیطان ویا صیرمه ایله اولقدر صیق وچوق ایشلنمشدر که چوخه نك رنگی همان فرق اولنمز .

بللرینه صاردقلری (قوشاق) معلومز اولان طرابلس قوشاغیدر .

(شلوار) : زخاف بیچمنده دیزه قدر لاجورد ویا قویوماوی چوخه دن - و اوچقورلی اوله رق - اعمال ایدلمشدر .

(توزلق) : بجانی ستر ایدر بیاض چوخه ویا آق عبادن یاپلمشدر .

(يۈك چوراب) : بوتوزلغك قسماً اوستنه كلير .

(دىزبانغى) : ايپ ويا غىطاندىر .

آياقلىرىنه صورت عمومىده (چارىق) كىرلىرىده ضابطان
ومأورين (چىزمە) ويا (پۈطين) قوالانمقده درلر .

(ستروغا) تعمير ايتدىكلرى اطرافى صىچاقلو اورتو، سجادە
قطمە وجسامتىدە اكثرياسىيە وبعضاً قويو قەوۋە رنگى يۈگدن
معمول اولوب عادتا كسودلىرىنك متممى عد اولانور : چونكى
قرە طاغىلىرك قابۇطى ، يورغانى ايشتە بواورتودر .

۴ — رتبە علاماتى • (لوحە - ۲)

قرە طاغده رتب مختلفە عسكرىە البسەنك شكل وزىتىدن
زيادە قاپچالره — آلنك اوزرىنە كلك اوزره — دىكىلان كوشدن
معمول يالدىزلى دوكمە لوحەلرلە نفرىق اولنور .

بودوكمە لوحەلر اساساً اشكال آتیه دن مر كېدر : چىفتە
باشلى وتاجلى برقرتال قوشى ، بوقرتال قوشنك كوكسەندە پرنس
برنجى نىقولايە مخصوص (II. I.) علامتى وبونلرك آلتىدە
قرە طاغ تىمالى اولان ارسلان ايله آلتىدە خاچوارى موضوع
ايكى قرە طاغ بىچانغى .

رتب مختلفە بى ارأه ايدن مذكور علامت فارقه نك شكل
ولونى بروجه آتيدر :

وویووده : دوکمه آلتنده کی بیچاقلر موجود دکل ، متباقیسی
صاری . (شکل - ۱)

جنرال : دوکمه و آلتنده کی بیچاقلر کاملاً صاری . (شکل - ۲)
طابور قوماندانی : بیچاقلرک اوستنده کی قسم بشقه طرزده ،
کاملاً صاری . (شکل - ۳)

قول آغاسی : بیچاقلر صاری ، اورته سی بیاض . (شکل - ۴)
بطریه قوماندانی یوزباشی : لوحه قطمه جه بیکباشینسککنندن
دها کوچک ، بیچاقلر صاری ، اورته سی بیاض . (شکل - ۵)
پیاده بلوک قوماندانی یوزباشی : عین جسمات ، کاملاً
بیاض . (شکل - ۶)

لوا بیراقداری : قلنج اوستنده قره طاغ خاچی ، یاننده
خاچلی برییراقدن عبارت بردوکمه لوحه یی حامل اولوب کاملاً
صاریدر . (شکل - ۷)

طابور بیراقداری : عین لوحه . قلنج ، بایراق صاری
صلیب بیاض . (شکل - ۸)

بلوک بیراقداری : عین لوحه . کاملاً بیاض ، (شکل - ۹)

پریانیک [معیت افرادی] : کاملاً صاری . (شکل - ۱۰)

چاوش : کاملاً بیاض . (شکل - ۱۱)

اونباشی : کاملاً بیاض . (شکل - ۱۲)

طوبجی نفری : کاملاً صاری . (شکل - ۱۳)

بوریزن : کاملاً صاری . (شکل - ۱۴)

۴ — باندیره (لوحه - ۳)

قره طاغ باندیره سی بر برینه موازی اوله رق افقا موضوع
ومساوی جسماتده بولان اوچ رنگدن مرتبدر : اک یوقاریدن
باشلا یه رق آشاغی یه طوغری قرمزی، ماوی، بیاض رنگر
بولوب ماوینک اورته سنده تاج پرنی و آلتنده پرنس برنجی
نیقولا حضر تلینه علامت اولق اوزره (II.I.) اشارتی
بولور .

قطعات عسکریه نك بلوك ، طابور ، لوا جزء تاملرنده
مستعمل اولان باندیردر - وسطنده - قرمزی برخاچی حاوی
بولان بیاض بایراقلردن عبارتدر که بیاض زمین اوزرنده کی آل
رنگ پك اوزاق مسافهلردن قولایلقه فرق ورؤیت اولنور .

۵ — نشان و مدالیهلر.

قره طاغده ازباب شجاعت و غیرتی مکافاتلاند ر مق ایچون
موجود اولان نشان و مدالیهلر بروجہ آتی بیان اولنور :

۱ . خاندان پرنی نشانی (لوحه - ۳ و لوحه - ۵)

بونشان پرنسلیک اک معتبر و ممتاز بر نشانی اولوب پرنس
دانیلو طرفندن باخاصه عائله پرنی اعضاسنه ویرمک اوزره
۱۸۵۲ سنه سنده تأسیس اولمش و بآخره حکمدارانہ، پرنس لر
و بیوک ذواته نشانه اخلاص و محبت اوله رق اعطا ایدلمک

باشلامشدر . بوجهل دن اوله رق نشان مذکور پرنسك بيوك
اوغلی دانیلو علیکساندرک واقفیز آیینده بولندیغندن طولای
روسیه ایمپراطوری ایکی:جی علیکساندره [۲۹ حزیران- ۱۸۷۱
سنه سنده] تقدیم اولمشدی .

خاندان پرنسی نشاننک یالکیز بررتبه سی اولوب صول کوسه
— دیگر بالجه قره طاغ نشان و مدالیه لرینه تقدم ایدرهک —
قرمزی ، ماوی و بیاض رنگلی برشرید ایله تعلیق اولنور .

۲ . دانیلو نشانی . (لوحه — ۳ و لوحه — ۴)

پرنس برنجی دانیلو طرفندن ۲۳ مایس ۱۸۵۳ تاریخنده
احداث ایدلمش و ۱۹ ایلول ۱۸۶۰ سنه سنده فخامتو پرنس
نیقولا طرفندن دخی قبول ایدیله رک ۲۳ مایس ۱۸۶۱ ، ۱۸۷۳
۱۸۹۳ تاریخلرنده نظامنامه و رتبه لرجه تعدیلات اجرا
ایدلمشدر .

بونشان مملکته و پرنس حضرتلرینه خدمات ممدوحه ابراز
ایدن قره طاغلیلرله بالجه خادمین انسانیت [مخترعین ، ارباب
فن وصنعت] اولان اجانبه توجیه واعطا اولنور . بش رتبه سی
واردر :

برنجی رتبه (غران قرووا) ؛ شکلا درت مساوی قولی
بردائرّه داخلنه مرسوم کموش برصلیبیدن عبارت اولوب فوقانی
قولی آلتونندن معمول برتاج پرنسی به منتهی اولور . هرایکی
جهتی یول یول ماوی ، قرمزی ، بیاض مینه ایله ایشلمش

واوڭ يوزى وسطى بولغان دائرىنىڭ اورتىسىدىكى قىزىق مېنى
 اوزىنى بىر ئىچى نىقوللاشقا (II.I.) بولۇپ مېنىڭ اولان
 ماوى مېنى اوزىنى دىخى (قىزىق مېنى) لىقلى كىرىل
 خىروپىلە ودىكىرى قىزىق مېنى اوزىنى ۳ - ۱۸۵۲ تارىخى
 واطرافىدىكى ماوى مېنى دىخى كىزا اسلاوچە (قىزىق مېنى)
 استىلالىچون) جىلەسى مىرردىر .

نشان اوزى سىتېمىرە عىزىدىكى كىزىق مېنى چىزىقلى
 بىياز رىنگە اڭلى بىر شىرەلە صاغ اوموزىڭ اوستىدىن خاچوا-
 رى كىزىلەرىڭ تىلىق و پىلاق دىخى سول كوكسە وضع اولنور .
 پىلاق سىز كوشەلى اولوب كوشىدىن مىمولىر . اوچىمىڭ
 پارچەنىڭ بىكىرىكى اوزىنى مەقەبە وضعىدىن مىمولىر .
 اڭ آلتىدىكى سىز كوشەلى كوكىڭ اضلاعى مىستىمىڭ واونىڭ
 اوزىدىكى كىزىق مېنى ، دىكىرىنىڭ آرتىقىنىڭ كىزىق مېنى اوزى
 وضع اولنور ، مىمولىر تىزىق مىمولىر اولوب طرىلىدىر و اڭ
 اوستىدىن بالادە تىزىق اولان شىكلى و جىسامىدىن دىنلىق نشانى
 تىزىق ايدىمىدىر . (لىق - ۴)

اىككىچى رىتە (مىراند اوفىسى) : بىر ئىچى رىتە شىكلى و جىسا-
 مىدىن اولوب ياللىق آلتى سىتېمىرە عىزىدىن بىر شىرەلە بولۇپ
 و پىلاق كىزا سول كوكسە تىلىق اولنور .

اوچىچى رىتە (قوماندور) : اىككىچى رىتە نشانىڭ عىنى
 اولوب پىلاق مىمولىر دىكىر .

دردنجی رتبه (اوفیسیه) ؛ شکلاً بالاده ذکر اولنانلره
مشابه اولوب یالکز قطعهجه براز کوچکدر . صول کوکسه
تعلیق اولنور .

بشنجی رتبه (شوالیه) ؛ قطعهجه کوچک اولمسندن وصلیک
قوللری بریضی داخلنه مرسوم بولمقله برابر آلت اوجی ده
براز اوزونجه بولندیغندن دیگرلرندن تخلف ایدر . نشانک
هرایکی طرفنک وسطنده کی دائرلر قرمزی وسائرجهتلی سیاه
مینه ایله ایشلمشدر . یوزنده کی دائرلر اورتی سنده اسلاوجه
(پرنس) ، اطرافنه ، بالاسنه (برنجی دانیلو) وزیرینه (قره طاغ)
یازیلری آلتونله تحریر قانمشدر . نشان دوت سانتیمتره عرضنده
کذا کنارلری قرمزی بریاض شریذله کوکسک صول طرفنه
تعلیق اولنور . (لوحه - ۴)

قره طاغده برنوعی ارباب شجاعت وغیره مخصوص ودیگر
نوعی دخی محاربات سالفیه نشانه تذکار اولمق اوزره ایکی جنس
مدالیه موجوددر .

۳ . میلوش اوبلیچ مدالیه می [آلتون] . (لوحه - ۵)
بومدالیه ۱۸۵۱ ناریمخنده متره پواید پرنس ایکنجی پیه
طرفندن تأسیس اولمش وفوق العاده قهرمانانه ابراز شجاعت
ایدنلر مخصوص بولمشدر . مدالیه نک یوزنده (میلوش اوبلیچ)
ک تصویر موجود و آنک اطرافنده کیریل حروفیله اسمی
محکو کدر . مدالیه نک آرقه یوزنده برقرورده لا ایله یکدیگرینه

باغلامش خرما و دفته دالارینک ایچروسنه — مرسوم چاپراز-
واری ایکی قلیچک اوزرینه — اسلاوجه (دین ، سربستی ،
شجاعت . چتینه ۱۸۵۱) عبارده سی محروبالاسنه کوچک
بر صلیب موضوعدر .

مدالیه : ۳۸ میلیمتره عرضنده قرمزی ، بیاض و ماوی
رنکده ایپکدن معمول بر شیریدله صول کوکسه تعایق اولنور .
بومدالیه قره طاغک اکی قیمتدار و معتبر بر علامت تقدیری
اولوب حاملی فوق الغایه مظهر تعظیم اولور .

۴ . شجاعت مدالیه سی [کوش] . (لوحه - ۵)

بومدالیه دخی متره پولید پرنس ایکنجی پیه ر طرفدن ۱۸۴۱
سنه سنده جسارت و شجاعت اربابی تقدیر و تلطف ایچون
احداث قلمشدر . مدالیه نیک یوزنده قره طاغ تاجنی حامل
چیفته باشلی بر قرتال قوشی بولنوب کوکسی اوزرنده - و بر
لوحه دروننده - یوریمکده اولان بر آرسلان رسم اولنمشدر .
آرقه یوزی اوبلیچ مدالیه سنه مشاهددر . یالکدر (چتینه ۱۸۵۱)
کله لری یازیلی دکلدر .

شریدی ۳۸ میلیمتره عرضنده و اوزرنده اوچ قرمزی
چیزکی بی حاوی بیاض بر ایپک شیریددر .

۵ . غیرت مدالیه سی [آلتون و کوش] . (لوحه - ۵)

(برنجی نیتولا غیرت مدالیه سی) اسمیله یاد اولسان

بومدالیه لرفخامتلو پرنس حضرتلری طرفدن بوندن آلتی سنه
اقدم احداث قلنمشدر . مدالیه لرك یوزنده صاغ طرفه باققده
اولان تصویر پرنسی ایله (برنجی نیقولاً قره طاغلیلرك پرنسی)
یازیمی محرر؛ دیگر جهتی - آتیده تعریف ایدیان ۱۸۶۲ محاربه
مدالیه سنك آرقه یوزینه مشابه اولوب - وسطنده یالکیز
(غیرت ایچون) عباره سی یازیلیدر .

بالجمله قره طاغ نشان و مدالیه لری آوستریانلری کبی
مثالی شریدلرله تعلیق اولندیغی حالده یالکیز (آلتون و کوش)
غیرت مدالیه لری قرمز ، بیاض ، ماوی رنگلی بردوزشریده
آصیلور .

قره طاغلیلرك اشتراك ایتدکلی متعدد محارباتك وسیله
تذکاری و بومحارباتده ابراز بسالت وقهرمانی ایلیانلرك تلطیفی
مقصودیه و قتيله احداث ایدیان محاربه مدالیه لری بوجه آتی
تعداد اولنور: [*]

۶ . غراحووه محاربه مدالیه سی .

بومحاربه یه اشتراك ایدن بالجممله محارب لره اعطا قانان بومدالیه نك
یوز طرفنده ، تفنك ، چادیر ، بایراق ، مزراق ، قلیچلردن
وایکی طوپ ایله ترانپته لرك حسن صورتله وضعندن متشکل
برغروب ، دیگر جهتده برصلیب ایله دفعه و میشه داللرندن

[*] ۱۸۳۷ سنه سنده ضرب ایدیش برلیاقت مدالیه سی ده واردر .

مصنوع بر تاج، صلیب آلتنده (غراقلوباج ۱ - مایس - ۱۸۵۸) .
تاجک اطرافده ایسه (برنجی دانیلو قره طاغ پرئسی) کله لری
محکومدر .

بومدالیه دفته داللرندن یاپلمش بیضی الشكل کوشدن
معمول بر تاج ایله شریده مربوطدر . شریک رنگی بیاض
اولوب اوزرنده اینجه قرمزى چیزکیلر وارددر .

۷ . ۱۸۶۲ مدالیه سی . (لوحه ۵)

۱۸۶۱ - ۶۲ حربنک نشانه تذکاری اولمق اوزره پرئس
نیقولا طرفندن تأسیس وکوشدن ضرب ایدلمشدر . جبهه سنده
پرئسک رسمی ایله اطرافده (قره طاغ پرئسی برنجی نیقولا) ،
آرقه یوزنده قورده لا ایله بربرینه مربوط خرما و دفته دالری
ایچنده (قهرمانلق ایچون) یازیلری و ۱۸۶۲ تاریخی بولمقدهدر .
بومدالیه نك حامللری کتدنجکه آزالمقدهدر .

۸ . ۱۸۷۵ - ۷۸ سفری مدالیه سی .

دوت سه دوام ایدن بوسفره مخصوص اولان مدالیه نك
برطرفنده پرئسک رسمی ، دیگر جهتنده قوللرنده (۱۸۷۵ ،
۱۸۷۶ ، ۱۸۷۷ ، ۱۸۷۸) تاریخلری یازیلی بر صلیب وروسجه
بعض کلمات محرودر . شریدی ۳۸ میلیمتره عرضنده اولوب رنگی
قرمزى وکنارلری اینجه بیاض چیزکیلدر . بومدالیه کوکسک
صاغنه تعلیق اولمقدهدر .

۹۰ • بوکره پرنس حضر تلرینک قرقنچی سنه دوریه قعودی
مناسبتیه برمدالیه ده احدات قلمشدر . بونک آلتوندن
معمول اولانی قرقسنه و کموشدن مضروب بولنانی ده اوتوزسنه
خدمت ایدن امکدارانه ویریه جکدر .



فهرس

صیغه

۵	افاده
۹	احوال تاریخیه
	احوال جغرافیه

۱۶	۱ — حدود و مساحه
۱۶	۲ — حال طبیعی، جبال و انهار
۲۱	۳ — محصولات، حیوانات و منابع ثروتی
۲۳	۴ — اصول اداره تقسیمات ملکیه، نفوس
۲۹	۵ — جنسیت، مذهب، لسان و معارف‌لری
۳۲	۶ — طرق و مواصلات و خطوط تلغرافیه
۳۳	ا. بردا قسمی
۳۳	ب. زده تا حوضه سی
۳۴	ج. قره‌طاغ منطقه سی
۳۷	د. ساحل منطقه سی

احوال عسکریه

۵۱	۱. ترتیبات حضریه
	۱ — خدمت عسکریه
۵۲	۲ — تعلیم قادرولری و قوه حضریه
۵۵	۳ — بودجه
۵۶	۴ — امر و قوماندا و هیئت ضابطان

٢ . ترتيبات سفریه

- ٦٠ — تقسیمات عسکریه
- ٦١ — جزء تام قوتلری
- ٦٥ — تعلیمات

٣ . سفر برلك

- ٦٦ — قوه سفریه
- ٦٨ — سفر برلك مدتی
- ٦٨ — سفر برلك امرینك صورت اعطاسی
- ٧٠ — تداركات سفریه و معاینه


٤ . اسلحه حربیه، مهمات ناریه و مواد سائرہ


- ٧٢ — اسلحه خفیفه
- ٧٤ — اسلحه ثقیله
- ٧٥ — ا . جدید مالزمه
- ٧٦ — ب . عتیق مالزمه
- ٧٧ — ٣ — اسلحه نك صورت توزیعی
- ٧٨ — ٤ — اعمالا تخانه
- ٧٩ — ٥ — حیوانات
- ٧٩ — ٦ — صحیه
- ٨٠ — ٧ — نقلیه

۵. اونیفورمه

۸۱	۱ — البسه
۸۳	۲ — رتبه علاماتی
۸۵	۳ — باندیره
۸۵	۴ — نشان و مدالیه‌لر
۸۵	۱. خاندان پرانی نشانی
۸۶	۲. دانیلو نشانی
۸۸	۳. میلوش اوبلیج مدالیه‌سی
۸۹	۴. شجاعت مدالیه‌سی
۸۹	۵. غیرت مدالیه‌سی
۹۰	۶. غراحووه مدالیه‌سی
۹۱	۷. ۱۸۶۲ خاطره مدالیه‌سی
۹۱	۸. ۱۸۷۵ — ۷۸ سفری مدالیه‌سی

۱	فخامتلو قره‌طاغ پرانی حضرتلرینک رسمی
۱۶	قیافت عسکریه (لوحه — ۱)
۳۲	رتبه علاماتی (لوحه — ۲)
۴۸	باندیره و نشانلر (لوحه — ۳)
۶۴	نشان و مدالیه‌لر [دانیلو نشانی] (لوحه — ۴)
۸۰	نشان و مدالیه‌لر (لوحه — ۵)
۹۶	۱..... مقیاسنده قره‌طاغ خریطه‌سی





3 1761 07151590 2

DR
117
S9